

محمد إبراهيم

ريوان بالعامية المصرية

الغزير الضيق الشرطي



دار دُون

نحميل احدث الكنب والروايات بصيغة pdf

علي موقع

فور ريد


الحزن البعيد المادي

الحزن البعيد الهادي

محمد إبراهيم

الألم فور ريد

دَوْن



للنشر و التوزيع

دار دَوْن للنشر والتوزيع

مقدمة بخط الشاعر أمير طعيمة

كثير من هم من يكتبون الشعر، وأكثر قليل من هم من
يستطيعون أن يكتبوا أو تارة يلعبون باللماتيم.
محمد إبراهيم.. هذا الشاب العشريني القادم من المحلة
إلى زحام القاهرة حاملاً معه كنز من الكلمات التي تعبر
عنه أهلوه وأهلهم جهل بأكمله يبحث عن الفرصة للتعبير
عنه ما بدأه.

في أشعاره مزيج نادر بين الحلم والواقع، الحقيقة والخيال
في لغة عامية بسيطة لا تخلو من فلسفة تأمل في الحياة
في شعر أدبي ما يهدف به هو السهل الممتنع.

بكل الفخر أقدم لكم ديوانه الجديد: الخبز البعيد الهادي
لنرى أهلوه وأولاده في بانوراما شعرية متميزة
ولنتأكد أنه نهر من المواهب الفضة نهر لا ينضب.

أبي طعيمة

إهداء

إهداء..

ل أمي اللي بحس إنها أختي.. وأختي اللي بحس إنها أمي.. وبنتي اللي

هتبقى حبيبتي، وحببتي اللي هتبقى كل دول..

ل أختي «مها» وجوزها و«عمر» و«حمزه» ولادها.

ل «أحمد» أخويا: ابني الكبير.. اللي يا رب أشوفه أحسن مني.

ل أبويا: أجدع صاحب شفته ف حياتي.

ل جدتي: السما اللي طلعت للسما.

لحب حياتي أو بين قوسين «إسراء»

البنيت دخلت قلبي وقفلت على نفسها من جوا.. وكسرت المفتاح

البنيت اللي اذيتها كل حاجة.. وادتني ظهرها ومشيت.

البنيت اللي كنت على أتم استعداد أموت علشانها في الوقت اللي

رفضت فيه تعيش علشانني.. إنتي أصبح غلطة ف حياتي.. ولو رجع الزمن

بيا هغلطها تاني بس الفرق الوحيد إنني مش هسيبك تمشي..

ل «أسامة» جوز أختي الصغيرة: خدت نين عيني ف خطها ف نين عينك..

ل «وليد» ابن خالتي: أو بين قوسين راعي طفولتي الرسمي.

ل «إسماعيل فتحي»: صاحبي اللي أنقذ حياتي مرتين.. ويا ريتته ما عمل

كده.

ل «أحمد النشار»: المعنى الحقيقي لجملة «سرك في بير».

ول «محمد حياظه»: المعنى الحقيقي لكلمة «صاحب صاحبه»

ول «هادر حسام»: صاحبي اللي مبيعيطش.. مبيعيطش خالص.

ل «إسلام» ول «مايكل»: أنا تيمي بين الجدعنة والفشل الدراسي.

ل «أسامة الهادي»: صاحبي اللي كتفه ف كتفي بيخليني مطمئن.

و الشخص اللي ليه الحق الكامل فتلحين و غناء اى حاجه جوا الديوان
من غير حتى ما ياخذ رأبي

ل «هاني سرحان»: صاحبي وصاحب «أسامة» اللي كتفه فكتفنا إحنا
الاتنين.

ل «عبيدة»: الجندي المجهول والرجل المناسب في المكان المناسب.
ول «سعد العود»: رفيق الكفاح.. والإيد اللي فإيدي من واحنا تحت
الصفير.

و ل «عادل صقر» و «محمد عادل»: زميل عمري في الجامعة.

ل «أمنيه حسن» ول «زهرة»: شكراً لأنكم في حياتي.

ل «أنغام»: مشروعني الفني.. وحلم حياتي.

ل أمير طعيمة: الأب الروحي اللي دايماً بيساعدني ويسعدني من غير سبب

ل «دعاء عبد الوهاب»: مصدر سعادتي.. والمادة الخام لكل حاجة
حلوة خلقها ربنا.

ل «دينا صادق» ول «مروة جمال الدين» و«داليا رشوان»: عندما تكون
المهدئات على هيئة بشر.

ل «مصطفى إبراهيم»: الإيد اللي زقتني لعالم العامية من غير ما تعرف.

ل «أحمد الراوي»: ابني اللي أكبر مني سنّاً.

و ل «أحمد الطحان»: أبويا اللي أنا أكبر منه.

ول «عمرو سليمان»: صاحبي اللي أنا شبيه شكلاً وموضوعاً أكثر من
أخوه التوأم.

ل «نبيل عبدالحميد» ول «مصطفى عاطف»: الاتنين اللي يا ريت الناس
كلها زيهم.

ل «أحمد النجار»: «لو كان بإيدي أكون.. أنا من زمان كُنتك»

شكراً.. إنتم سبب مهم في اللي وصلت له بعد إرادة ربنا.

إهداء لـ «نفسني»

كمية الحزن اللي جواك.. كانت أكبر من إن أي حد يخرجك منها.. كل اللي كان بيحاول يخرجك من اللي انت فيه.. كان بيدخل معاك.. كأنكوا ف دوامة أو فرمال متحركة.. زيك زي أي كوابية اتكسرت.. وكل اللي كان بيحاول يلماها كان بيتعور.. كل اللي كان بيحاول يحبك كان بيكرهك.. أو بيكره تصرفاتك الغير مسؤولة والغير منطقية والغير مبررة بالمرّة.. مش لإن تصرفاتك كده فعلاً.. لا.. لمجرد إنهم شايفينها كده؟؟

كلهم مشوا.. وسابولك الديوان ده.. عشان تديه لناس تانية تلف معاك نفس الدائرة ويسيبولك ديوان بعده.. وكانك عايش عشان تكتب وتكذب لناس، وعلى ناس بسبب ناس تانية خالص..

كل اللي اتبقى من 2014 شوية صحاب فكة.. و شوية فلوس فكة.. وشوية دروس فكة.. وشوية كلام جواك متقالش واتكتب.. وكلام اتقال ومتكتبش.. وناس بعيدة قريبة.. وناس قريبة بعيدة.. مش دايم الأحرار وجع.. ولا دايم النهايات سعيدة.

لبكره أنا لسه شايفه طشاش
ولمراي اللي ماعرفهاش
ولولادي اللي لسه معجوش
وللناس اللي مفتكروش
يعزوني ف موتي زمان
لكلمة سيبها بظروفها
وكلمة: لسه بالإمكان
ولاخواتي اللي مهتموش
بفكرة إني بكتب شعر
ولاصحابي اللي حطوا اصفار
ف خانة السعر
يوم ماتبعنا واتودعت
لايد أمي اللي سنداتني
ف يوم ما وقعت
ف تاتا وخطوة خطيتها
لكل إزازه رجيتها
عشان الصودا منها تروح
لقعدة فوق سطوح بيتنا
وكات ريحة الريحان بتفوح
لسور المدرسة العالي

ف فور ريد

عشان علّمني اعدّي السور

لفكرة إني مش بعرف

أعيش زي البشر في النور

ومجموعي اللي عمره ما كان

كفاية عشان اكون دكتور

لستّي اللي نسي يتعدّ

لدمعة فرحة نازلة بجد

لذكرى بنت حبيتها

مجاش فيه بنت مطرحها

لضحكة حزن في فرحها

وانا واقف مع المعازيم

لنصي الأبيض اللي الوقت

مسابش ف وشه جزء سليم

لصوت «فيروز» «نجاه» و«حليم»

وصوت «أنغام»

وأخر مرة اشوف «إسراء»

ويتزل من عنيا كلام

على هيئة بكا بغباء

لكل الماضي والأشواق

لكل اللي انتهى فجأة

وكل اللي ابتدى صدفة

لكل نهاية مش هادفة

وكل حكاية مش بتطول

أنا حابب بياني أقول

مفيش في الدنيا شيء ثابت
مفيش ولا حاجة على حالها
مفيش في الدنيا إيد سابت
حاجات إلا اما جه بدالها!

يتبع

محمد إبراهيم

الآن فور ريد

عیش و ملح

الآن فور رید

رسائل من السما السابعة (ج - 2)

(١)

ولسنة في حلمي بتجيلي..

وبحكيها وتحكي لي..

عن الدنيا وسنواتها..

عن الجنة التي دخلتها..

تجيب تفاعلة تقسمها..

تدوقني وأدوق وإن دوقت..

يموت ضيقي..

تبلّ بحضنها ربي..

أسيها وروحي رايجالها..

تسيبني وهيا بتعيط..

وأقوم من حلمي كالعاد

بدور ع الحياه في ميت!

(٢)

بعد بُعدك عني فعلاً

كنتي أقرب مما كنتي

كل حاجة عباره عنك..

كل حاجة بشوفها إنني
سايبة ربحتك بين همدومي
سايبة قلقك بين همومي
سايبة أيامك فد يومي..
وذكريات ملهاش نهاية..
سايبة صوتك بيهاروطي
سايبة صورتك في المرآة
سايبة حاجة فد كل حاجة
رغم إنك مش معايا!

(٣)

ماشيين بدعاكي وكله تمام..
ولو ان الحال مبقاش ولا بد..
بقي شكل البيت بعدك بيخض
وكان البيت عجز فجأة..
أو جاله زهايمر فد غيابك..
معرفةش بيبيكي عشان سبتيه
أو هو بيبيكي عشان سابك
كان بينكو علاقة انا مفهمهاش
ومكنتش بيها زمان مهتم
ده لأن البيت مش بس حيطان
ولأنك بيت من لحم ودم..

بقيتي حقيقة زي الموت وكاس داير..

بقيت بتنفسك خنقة..

وضيقة وحيرة وسجاير..

بقيت أضعف من الأول

بقيتي ف منتهى القوة..

بقيتي مرآة مش بتقول..

غير كبرت من جوا..

بقيت ببرد وانا ف حضنك..

كأني ف ليلة ف يناير

مفيش ولا شيء أنا ضامنه

بقيت عايش مبطمئش

كأن الدنيا جيم دومينو

وبلعب بس مبضمئش

لقت كل اللي كان بينا

سراب قرنتله اتبخر

كأنك كنتي غيبوبة

دخلتك فقت متأخر

(٥)

ربحتك بتيجي في المكان بالليل أوي!

وتأخذني م الضلمه لمكان شهك كده..

برتاح هناك من غير سبب!

خلص الكلام..

بدأ السكوت يدخل شفائفي عشان أنام..

الليلة ليه كل الأماكن

فيها منك شيء وروح..

وبحس ضلك ع الحيطان

وبحس نفسك في الهوا..

مع إننا محناش سوا

الليلة ليه كل الأماكن..

فيها بيطول انتظارك..

فيها ضحكة من هزارك

فيها ريحة بِنَ قهوة

فيها عُقب سيجارة والع..

لسه سلم بيتنا واقف..

في انتظارك وانت طالع

لسه مفاتيحك مكانها..

ولسه ساعتك فيها نبضة

لسه ع الكومودينو سايب

سبحة لولي ودبلة فضة

كل حاجة سبتالي..

رغم غيبتك هيا هيا

بس برضه بعد منك

لسه واقفة الدنيا بيا

فؤور ريد

إن كنت هتمشي يا ريت..
 تاخذ أيامك مني..
 والضحكة اللي بتضحكها
 في الصورة اللي على الحيط
 لا تسيب ريحتك في الأوضة
 ولا صدى صوتك في البيت
 لا تسيب عكاز وكوفية
 ولا دخان عقب سيجارة
 ولا شيء من شكلك فيا
 ولا جرنان ولا نضارة..
 ولا باقي شوية شاي..
 ولا فكة ف جيب جلابيتك
 خذ كل البيت لو ماشي..
 أو خذ روحك من بيتك..
 خذ كل الماضي معاك..
 واتسحب وانا مش داري
 مش عايز موتك يبقى
 فيه دموع ووداع تكراري
 وانا هنسى بفعل الوقت..
 أو هعمل إني نسيت..
 خذ بالكامل تفاصيلك..
 وفارقني بكل هدوء..

فوق ريد

يا تاخدني معاك ف رحيلك
لو كنت هتطلع فوق!!

(٧)

ليه الكمانجا بقلب إسود..
عمره ما بيصفي ل بيانو؟!
ليه هنفضل زي ما احنا
صورة وكتابة ورهان..
ليه الشتا كان وشه غامق..

والحنين واقف مكانو..

لسه تايه بين عنيا وبين عنيك في المكان؟!

ليه هسيبك.. ليه هقرب؟!

ليه بحب ساعات أجرب..

إني أمشي ف سكه أصلاً

مش باينلي إيه آخرها..

وأما فجأة تضيعي مني..

أعمل اني نسيت وأقول..

عادي يعني زي غيرها!

احضنيني قبل اما تمشي..

لو ضروري تودعيني..

واحفري صورتك ف عيني..

وابكي على كتف اللي بينا

لو خلاص هتضيعيني..

وادي ضهرك ليا وامشي..

في المطر و مترج عيش..

يمكن انسى ان انتي متي

واقتنع اني هعيش.

الاحفور ريد

جواب مُرسل

جواب مُرسل

إلى «اليابانية» و«الون نو» و«باتستوتا»

إلى «بكار» و«عمو فواد» و«فطوطة»

إلى طفولتي ومربيتي

وتالت دكة صف يمين

وأخر فصل في الطرقة

اللي الفترة اللي انا فيها

مشوفتش وش للفرقة

إلى «ميكي» و«سمير» و«يوميات ونيس» وإحنا

إلى الباقي ف ملامحنا

من الوش اللي صورناه

ف صورة تاريخها تسعيني

إلى اصحابي اللي كانوا

زمان علي أعز من عيني

إلى «راجعين»

إلى «ونندم»

إلى «شنطة سفر»

بالذات..

إلى «جنجو» و«مستر كاجو»

إلى «شيكا»..

إلى القلم الرصاص اللي
بيبقى ف آخره أستيكه
إلى «دولسي» و«لبان بمبم» و«جيلي كولا»
وأفلام القناة الأولى
وفيلم السهرة ع الثانية
إلى العجله اللي كنت زمان
بدل م اركيها بسحبيها
إلى «سبيستون» وكواكيها
إلى «باتمان»..

و«كابتن ماجد» اللي عشان
يجيب الجون تضيع حلقات
إلى كل اللي عدى وفات
أنا فاكرو وبالتفصيل

ولطفولتي القديمة اشتقت
ومين أصلا ف هذا الجيل
هينسى الذكريات بالوقت
هنكبر بس من جوا
هنفضل برضه للي فات بنحن
لأن الماضي بطبيعته
ملوش دعوة بخانة السن

ف اسكندرية

ف اسكندرية الناس بُساط

بيحولوا الحزن انبساط

يستقبلوك بدموع فرح

ويودعوك برضه بعياط

الليل هناك زي الترام

بيلفَ بالناس في البلد

ف اسكندرية البنت بحر

بتحول المركب ولد

بتلفَ بيه مترسّهوش

الناس هناك مبيتسوش

الناس هناك تقدر تقول

عنهم بيوت..

بيسكنوك.. وبيسكنوك

ويعرفوك إيه هو معنى الجدعة

ومفيش هناك انتم وانا..

الكل إحنا ف أي محنة يمد يد

ف اسكندرية الناس بجد..

مش ناس مُنافقة بأقنعة..

اسكندرية ازاي وليه؟!

ملقيتش إجابات مُقنعة

ف بلاد جميلة بطبيعتها..

بتحس إنك منّا

ف بلاد كده تتحب

مش شرط بسبب

إسكندرية مش بلد من ضمنهم

إسكندرية بدون مُبالغة أهمهم!

الأنا فور ريد

إنسان سابق

أنا الليل اللي قرّر من القمر يهرب

أنا النجم اللي عاش يسهر

وأول ما ابتدى يظهر

لقى وقت النهار قرّب

أنا مية عفريت جوا العلبة..

أنا مية حدوتة ومية مجروح

أنا مية مليون واحد ماتوا..

أنا كبت وضيقه وخنقة روح

أنا فرح خنيق وطريق بيضيق

أنا مية مليون باب مش مفتوح

أنا صوت مكبوت وخناق وزعيق

وصريخ وتاريخ أصبح ممسوح

أنا كل طريق بمشيه فاضي

بتكعبل في بواقي الماضي

جرّبت أقيس للفرح قميص

ولقيته عليا مهوش لايق

اسمي في مشوراي مع الدنيا

في الآخر كان إنسان سابق

عيد ميلاد

خرج في المطرة من ذاته..
بيتمشى ف شارع طال
ويسأل نفسه ألف سؤال!
فاضلك مين؟! فاضلك إيه?!
فاضلك حد تبكي عليه!!
فاضلك بنت حبيتها وبتعانديك?!
فاضلك أب بيسانديك?!
فاضلك أم تدعيلك?!
فاضلك حد من جيلك?!
فاضلك حد بيجيلك
زميل شركة.. وجار شقة?!
ف جيبك كام صديق صادق
ف آخر الرحله دي اتبقى?
أديك وحدك ومش شايف
أساساً وحدتك ورطهه
بتعمل عيد ميلاد نفسك
وتطفى الشمع في التورته!!

الوضع العام..

بتنام وتقوم وتقوم وتنام..

وروتين ف روتين ف روتين ف روتين

مش عارف فين بيروح على فين؟!!

أيامك يوم واحد داير..

حوالين أصحاب.. وحبيبة وبيت

-أنا أكثر واحد عاش يحلم-

وانا أكثر واحد قلت «يا ريت»

أنا أكثر واحد قال «عايز»

والدنيا قالتله براحتك عوز

الدور اللي حلمت تطوله

كان دور محجوز..

مفضلش ف فيلمك وف حلمك

غير دور أراجوز..

وعجبتني الدور أول ما بدأت

لكن ملّيت بمرور الوقت

ولقيتني بدون أسباب اشتقت

لحاجات مبقيش منهم حاجة

من طبع الحاجة انها دائماً

كل ما بتزيد تنقص حاجة

ولأن الواقع مش دائماً

زي الأفلام..

ولأن الأيام مهووسة

بهدّ الأحلام..

يتلخّص كل الوضع العام

إن انا دلوقتي هنام وهقوم

وان قُمت هكرر يومي وانام!

الإعلام فور ريد

كان بالإمكان

تعرفني إن انا لو مكبرتش..

أو متّ ايامها وانا صغير..

كان ممكن أفضل زي ما كنت..

ومكنتش أبداً هتغير

عارفة انا كان ممكن اكون عارف..

لو كنت سألتك عن إسمك..

كان ممكن اكون انا وانتي سوا..

لو كنت انا بطلت اتداری..

كان ممكن مشربش سجائر..

لو «مايكل» مدخلش تجارة..

كان ممكن لو مفتحتش «فيس»..

معرفش أساساً مين «سارة»!

كان ممكن بكره يكون أحسن..

لو كنت نسيت شكل امبارح..

كان ممكن جداً كان ممكن..

كان ممكن لو..

لكن مكتوب ع الشيء يخلص

وقت ما يحلو!!

طب عارفة كمان؟

كان ممكن اكون لولا اني قابلتك مش كاتب..

كان ممكن عادي ابقى محاسب..
كان ممكن «مايكل» برضه يكون
ويتايا ف نفس البنك زميل..
لو كان مسقطش ف سنة أولى..
كان ممكن لو مبقيتش كبير..
أكل في الشارع جيلي كولا..
كان ممكن مركبش العجلة..
لو هو مكنش اتحداني..
كان ممكن معملش الواجب..
لكن ملقيتش بديل ثاني..
ليه لما حاولت أغير شيء..
في الواقع.. غيرني الأول..
وكان الدنيا شرايط قطر..
وسكك مش ممكن تتحول..
وأديني خسرت ف جيم وكسبت..
واهو شوفت كتير واتسابت وسبت..
زقتني الوحدة ف 100 مترو..
وسقتني الأوهام ف أزايز!
كان ممكن أبقى وليه مبقيتش..
السر علشان مكتوبلي أكون..
زي ما ربنا أصلاً عايز

إن كان لك سر

إن كان لك حد بترتاحله..
إحكيه ولكن سيبلك سرّ..
متقالش لحد من صحابك..
ولا أهلك ولا حتى حبيبة..
كتر الفضفضة ده بيتناسب
طردياً مع كتر الطيبة..
متوديش نفسك ف مصيبة..
خليك سر وخليهم
كل اللي داريته كتاب يقروه..
قول سر مسيرهم يوم ينسوه..
علاقاتك مع غيرك دائماً..
على سطر بتمشي وبتسيب سطر..
سرك مفتاحك م الآخر..
إنكره واخفيه وقطع ورقه..
وإن كنت مصمم تحكيه..
إحكيه لمسافر شفته ف قطر..
هتفضفض وياه للآخر..
و ف آخر السكة هتتفارقوا

إمشي وانسى منين مشيت

-كل مرة اختار طريق-

إحكي وانسى لمن حكيت

-كل مرة اختار صديق-

خلي دائماً كل شيء

فيه جديد حتى السكوت

لو بتلحق قطر 7

سيبه بكره عليك يفوت

لو بتركب خدها مشي

لو بتمشي اركب مواصلة

المهم إن انت تعمل

حاجة كات عكس اللي حاصلة

لو بتسمع غنوة حلوة

هيا مرة وقوم ماسحها

لو في حنة سهرت فيها

كل ليلة بلاش تروحها

كل يوم بيعدي قرر

إن بكره هيبقى غير

فيه حاجات تكرارها لعنة

زاد وجعها وزاد وجعنا

ففور ريد

لم يعد للحاجة معنى
بعد ما اتعملت كثير
م الآخر وبكل بساطة
مش قصة ورد وشوكولاته
ولا قصة قهوة و«فيروز»
فيه حاجات كده لو فكرنا
هنحس إننا أفورنا
في الشكل العام للحاجة
بقي بالتدريج بيبوظ
من كتر ما كات بزيادة
حلاوتها اتقلبت سادة
ده لأن بحكم العادة
ولأن ده أصلاً جين
مُتحكم فيا وفيكوا
وف كل البني آدمين
فيه حاجات لما بنعملها
بتكون حلوة ف أولها
وتضيع حلاوتها ف أول
ما بتتحول ل روتين

نقطة الصفر

قلب البني آدم نقطة
أهلك حوالبه عاملين دايرة
وصحابك دول دايرة تليها
وزمايلك في الجامعة ف دايرة
وحبيبتهك دايرة لوحديها
فن المسافات بيلخبطهم
فتخش دواير ف دواير
تلاقيك مهما تفكر حابر
مين أقرب ليك فهم دلوقت
مين شاغل تفكيرك أكثر
مين قرّب مين نفسه ف فرصة
الحب ده شيء بمرور الوقت
نسبته جوانا بتتغير
فتلاقي علاقتك مع غيرك
شيء مش مضمون زي البورصة!

فتلاقي علاقة بتبدأ
باتنين مثلاً في المترو
اتقابلوا بنظرة ف نظرة
واتفارقوا بغلطة ف غلطة

كل العلاقات ف أساسها
دايرة منعرفش مقاسها
يا بتوسع بهم جداً
يا تضيق وبترجع نقطة
كل العلاقات ف أساسها
كات ناس مش دايمة لناسها
ماهو أصل النبي آدمين
من سكان الفتارين
تشتري وتبيع وبراحتك
على حسب الذوق والعرض

وعشان منلگش تاني
ونعيد ونزيد ونعاني
«الأرض بتمشي تفرق
كل العايشين ع الأرض»

مش طلعة روح

الموت م النظرة العلمية!

إنك تتوقف بالكامل

عن أي وظائف حيوية

تتحول من حركي لساكن

شيء شبه النوم جداً لكن

منتاش هتقوم بعد ما هتنام

الموت من وجهة نظري إنك

تلاقيك عايش تايه منك

محتاج تتكلم ولكنك

وجعك أكبر من أي كلام

الموت بوضوح

مش طلعة روح

ممکن متموتش

ممکن يحصلك مية مرة

ده لأن الناس بتموت فعلاً

من أول ما تعيش مضطرة

ف تفارقك ناس بالموت وانت

بتفارق ناس علشان عايش

وبصرف النظر المش متوجه غير ليهم

وجميع الأحداث الحاصلة

«الموت مش نقطة ف آخر السطر.. الموت فاصلة».

فور ريد

الممنوع مرغوب

عُلماء الفيزيا اجتمعوا
على ان الشيء لو شبهك
هتقرب منه يسيبك
علماء النفس اجتمعوا
على ان فلان لو حبك
عمر عينيه ما تشوف عيبك
قرب لو عزت تفارق
وابعد لو عزت تدوم
الشيء بيضيع من ايدك
عشان فيه شيء جاي ليها
الدنيا قواعد ثابتة
وكلام مثبت بعلوم
طول م الحاجة قصاد عينك
طول ما انت بتبقى ناسيها
تبقى كثير الحاجة قصادك
لكن عينك رايحة لغيرها
تنسى الحاجة عشان ف ايدك
أما اللي بتبعد ف فاكرها
الممنوع مرغوب بطبيعته
وانت عشان بتحب تجرب

كل ما حاجة بتبعد عنك
تلقى ميولك منها تقرب
فتضيع الأولى اللي ف إيدك
علشان مش لاقياك مهتم
تخسر حاجة بحاجة عايزها
مع إنها مكانتش أهم

الإف فور ريد

البُعد الرابع للدنيا
مُتحكم دائماً في الأحداث
الوقت ييلوي ذراع الناس
بيسيب بصماته على الأشياء
مش خايف من سُلطة تراجعه
الوقت إن شاف واحد مُشتاق
عمره ما بيطبطب على وجعه
الليل عندنا ف أوروبا نهار
وشروقنا هناك بيقابله غروب
وانا ظابط ساعتي بتوقيتهم
وبلف ف دايرة يوم مقلوب
الوقت بيكشف فينا عيوب
وبياخد على قد ما ياخذ
لا بيتعوّض ولا ساب تعويض
الوقت ملوش مقياس واحد
ولا موقف ثابت بالتحديد
الوقت بيجري اما بيحلى
ويهدّي اما تكون متضايق
مين فينا معاشش ثواني سنين
أو ضيّع كام سنة ف دقائق؟!!

وهي فضل وقتنا يسرقنا

وهي فضل نسرق فيه على طول

عاشين نتمنى انه بعدني

وعاشين نتمنى انه يطول

الآن فور ريد

حد غريب

كل اللي يسيبك بيسبلك..
تذكار علشان تفضل فاكر..
تفاصيل أيامكم وتذاكر..
إحساسك بالوحدة وتعرف..
كام حد ف روحك سايب خدش؟!
مين خد من وقتك؟!
مين م أخذش؟!
ودعت ازاي؟!
أو ليه ودعت؟!
أو حتى ازاي من نفسك ضغت..
ليه هدومك حتى ريحتها فراق..
وكانك جي من حزن طويل..
انتهى بدموع على كتف حبيب..
كل اللي يسيبك بيسبلك..
كام غرزة ف روحك لما يسيب..
كل اللي ف إيدك..
كان ف إدين..
غيرك بعدين لف وجالك..
شوف مين مع مين دلوقتي ومين..
من كل الناس دي اتبقالك!؟

كل الأحضان مهما تطوّل
فمسيرك ترجع وحداني
وتقابل حد من الأوّل
وتقرب وتفارق تاني
كلنا جايين علشان نمشي..
وده دور ليه حسبة وليه ترتيب..
كل اللي يسيبك وقت ما جه..
كان بالبنسبالك حد غريب

الأحضان فور ريد

مشكلة الكل

إياك تتقرب من صورة..
أو تعمل زووم على وش قديم..
كان أصلاً موجود فوق وشك..
أوقات لما تقرب تعرف..
إن الطيب كان بيغشك..
وان الشرير أطيب بكثير..
تفاجئ تتضايق تزعل..
أو تعمل أعمى عشان خايف..
لتبان قدام الناس شايف..
حقايقهم لكن مبتنطقش..
وإن قالك حد فلان قالي..
تعمل إن انت مبتصدقش..
وتكذب كل اللي سمعته..
وتصدق دائماً بين نفسك..
وما بينك إن الناس دول وش..
لابسين ماسكات وبيتداروا..
ورا كلمة بكره تهون معلش..
ومسير الوضع هيتغير..
وهتفهم بكره انت صغير..
إن الأيام أوقات تضطر..

الواحد إنه ساعات يعمل..
ف حاجات ملهاش أصلاً تفسير..
ويحب الضلمة وينسى النور..
ويشوف العمى أرحم بكثير..
ولكل قلوب الناس كوالين..
مفاتيحها أساساً ف جيوبك..
اقبلهم على عيهم تفتح..
وصارحهم جداً بعيوبك..
المشكلة مش فيك أو فيا..
كلنا بمشاكل نفسية..

عايشين علشان نلاقيلها حلول..

يمكن نرتاح من عقدة ذنب..

أو نضعف حتى وناخد جنب..

ونكمل جنب الحيط عادي..

ونشوف شكلنا أحسن في الضل..

مشكلتك إنك مش عارف

إن المشكلة مشكلة الكُل..

كلنا خايفين أصلاً من بعض..

وبنحضن واحنا ورا ضهورنا

دايماً بنخبي لبعض سلاح..

وعشان كده مهما تعيش وتشوف..

هتلاقي محدش مرتاح!

أمنية موت

أنا ستي الله يرحمها..
ربنا بالموت كرمها
أقصد وبكل صراحة
الموت بيكون فيه راحة
ستي ف آخر أيامها
جالها زهايمر خلاها
تنسى التفاصيل بالكامل
وفقدت القدرة تماماً
على إني معاهها اتعامل
وبقيت ف حياتها مُشاهد
متفرج زي الغرب
لكن شايف عن قُرب
قلقان تسألني أنا مين
معرفش بياه أجاوبها
ولا تفكرني حرامي
جاي يسرق منها دهبها
ستي ف آخر فتراتها
قبل اما تموت بسنة
كانت فاكراني أبويا
وكات فاكرة أخويا أنا

وشوية بقت مش فاكرة
وبقينا مجرد ذكرى
من وسط كتير أوي راحوا
ألعن إحساس هتحسه
تتمنى الموت لحبايبك
علشان يقدرُوا يرتاحوا

الآن فور ريد

دَمْعُ مَوْتِ سَالِم

الآن فور ريد

لكل اللي بقت بتخاف..
عشان متفارقة من فترة
لكل اللي فد عنها بشوف
دموع أكثر من المطرة
وطول الليل بتستنى
وحيارنة وشايلة هموم
بتهرب للحياة بالضحك
وتهرب م الزعل بالنوم
ومخنوقة ومش طايقة
تبص فدوش أحلامها
وطول الوقت متضايقة
يدوب بتقضي أيامها
مهتميش.. يا نص الدنيا
يا أمي.. وأختي وبنتي ومراتي
طبيعي البنت فد حياتها
تقابل في الطريق واطي
تسيبله قلبها وروحها
بسيها بجرح من جوا
ده مش عيب فيكي لا أبداً
ده سببه نقص فيه هوا

فور ريد

وهتقابلي اللي من ده كثير
ودورك لسه ليه تأثير
ده ربك لما لقي آدم..
وحيد في الكون خلق حوّا

اللا فور ريد

برج الحيوان

دي الحكاية من البداية..
العلاقة يدوب صداقة..
عامل ايه ازيك انت؟!
عاملة إيه انتي النهاردة
شات.. مكاملة..
معاد ووردة..

حلو فستانك عليكي
واللي أحلى لون عينيك
كلمة جابت كلمة غيرها
والعلاقة اتغيرت
والصداقة اتطورت..

صاحبته اتقلبت حبيبته
وهيا شافت فيه حبيبها
عاشوا فترة جميلة جداً
بس بعدين قام سايبها
هي رنت هو كنسل..
واما جه يكلمها تاني
كان أناني..

قالها: «اتسرعت أسف
كنت غلطان ف حساباتي»

واني كنت بحب واحدة
من زمان وفارقتها
واني حبيتك لأنك
فيكي حاجة منها
وانه واجب هيا ترجع
جزء من يومي وحياتي

هيا تعمل إيه بـ«أسف»؟!
ولا هي إزاي تعيش؟!
الأسف أوقات بيبقى
حاجه توجع ماتداويش

دي الحكاية وده آخرها
هو عايش ويا غيرها
أما هي:
وحدانية

قلبها مضلم وباهت
زي ما تكون طفلة تاهت
عايشة لكن ميّنة

تشتاقله أواخر الليل بالذات
وتقول معلش اهو ماضي وفات
لكن من غير أسباب أوقات
أشواقها لأيامه يزيدوا

وتحنّ لصمته وتنهيدُه
ولربحته وصوته ودفا إيدِه
ولضمّة حُضنه ف كل شتا

ولأنه خلاص موضوع عابر
ولأنه محسّش بقيمتها
بعدت واختارت كرامتها
ده لأن البنّت بطبيعتها
مبتنساش لكن بتكابر!!

الأفكار فور ريد

كل ليلة الليل بياخذك
ناحية الصور القديمة
جوا ميموري لسه
فاكر كل حاجة
كات ما بينكوا

تفتحي صورتك معاه

تعملي ع الضحكه زووم

بعدها بتقولي عادي

وانك انتي احسن كثير

وان قلبك ع اللي سابك من سكات

بطل يغير

واللي فات ده ملوش لزوم

تفتحي قلبك لنفسك..

تشتكي منك إليكي

تقبلي الوضع لمجرد..

إنه أصبح وضع حالي

والفراق ياخذك لوجعك..

تمسكي ف إيد الليالي

يسالك قلبك ساعتها

إزاي عليه جه يوم وهنت

فور ريد

ويا عيني ع اللي بينكسر

جواكي م الوحدة

ويا عيني ع الليل

لما يكسر قلب بنت

السكوت يسكن شفايفك

والوجع يمسك إديكي

والمراية تطفي صورتك

والدموع بتخون عنيكي

فجأة إحساسك يتوه

وسط ضعف ونهينة

تقري ف مسدجاته

كلمة «كل شيء بينا انتهى»

دمعتك ترجع تخونك

لحد ما عيونك وقلبك

يلتقوا ف أحلام ونوم!

تندمي إنك ساعتها

جيتي ناحية صورة ليكوا

أو عملتي عليها زووم!

محتاجة أفضفض لك

عارف ساعات بحتاج افضفض لك

وانت ساعات أكثر متسمعنيش

فطبيعي جداً بعدها تسألني ما لك؟

فيكي إيه فأقول «مفيش»..

فيه حاجات كثيرة إن متقالتش ف وقتها

لو تيجي تسأل بعدها

مبتتحكيش..

أنا محتاجة أفضفض لك فمن فضلك

يا ريت تهتم تسمعني

عشان فيه ألف مية حاجة

بسببك غاوية توجعني

حلاوة روح

مآساتها إنها مش لاقية..
حد يحيها من جوا..
أو يقبل كل ما فيها
على وضعه وزى ما هوا
كل اللي زمان حبوها..
حبوا اللي شافوه من بره..
ومجاش ولا حد ف مرة..
بصّ لها بعين فهمتها..
ومحدث حسن قيمتها.
ولا حاول يفهم ما لها!
أوقات مآسة الواحده
بتكون فعلاً ف جمالها
كانت محتاجة لواحد
ميشوفهاش شكلاً بس
فيه حاجات مفروض تتحس
مبنتلهاش من حد..
ومفيش ولا بنت هتطلب
إنها تتحب بجد!

مش هسيك

هي بتقول سيبي فعلاً..
بس مش علشان تسيبها
أي واحدة بتبقى عايزة
تشوف قيمتها ف عين حبيبها
هي بس ناقصها تعرف..
هي فارقة ولا عادي
حب عابر والسلام
هي جايز لما تزعل..
تبقى مش واعية لكلامها
وانت فعلاً لو فاهمها
مش هتاخد ع الكلام
يومها هتبص ف عينها
هتبقى عارف فيها إيه
مش هتحتاج حتى تسأل
وقتها زعلانة ليه..
وأما هتقول سيبي تاني
هتلاقيك ماسك ف إيدها
محتوي خوفها وساندها
وهتلاقيها بتشتريك..
وعايشة ليك ومعك وبيك

فور ريد

هي قالت «سيبني» أه..

بس ده علشان بيان

هي إيه بالنسبة ليك

الآن فور ريد

في حد ذاتها

البنيت ف حد ذاتها..
كُتلة إحساس غريبة
بتعيش معظم حياتها
أمّ وأخت وحبّية
«أدم» بطبيعته سطحي
بيشوف «حوّا» بعينيه..
«حوّا» بطبيعتها عايزة
«أدم» تسند عليه
كتر التفكير ف غيرها..
بيبوخ في الحكاية
وانا شايف إن واحدة..
عدل ونعمة وكفاية..
البنيت ف فيلم عمرك
تنفع أجمل نهاية..
بس انت اكتب سيناريو
ميكونش في غيرها فيه!

صفّ تاني

راكنة روحك صفّ تاني..

في انتظار واحد مجاش..

باختصار واحد يكون

فاهم انتي عايزة ايه

حد عايشة تقضي وقتك

في انتظار مسكة ايديه..

في انتظار لمعة عيونه

لما يسأل خايفة ليه؟

في انتظار فستان فرحكوا

في انتظار حضنه وأمانه

في انتظار واحد أساساً

لسه معرفتيش مكانه

حد كل وجوده لسه

صورة مرسومة ف خيالك

حد مش محتاج يقولك

فيكي ايه أو بس ما لك؟!

حد عارفك من زمان..

حد عارفاه من سنين

بس لسه متعرفيش

إمتي حي وهو مين!

دموع البنت

دموع البنت..

مبتعرفش تترتب

بتنزل منها عشوائي

ولو دققت هتلاقي..

وجع مركون بقاله كثير

وجرح قديم..

وحبّ بجد..

دموع البنت لو نزلت

بتنزل واخدة دايمًا حدّ..

نزل من عينها وخسرها..

يا إما عشان عرف غيرها..

يا إما لأنه معرفهاش..

ومعرفش انها حباه..

لا منها لغيره دلوقتي..

ولا بتقدر تقول وياه..

وضحك البنت مش معناه

بان البنت ناسية الحزن

وناسية الخوف من الأيام

وعارفة تعيش وعارفة تنام

لأن البنت يا سادة..

هتفضل برضه كالعادة

سؤال وعلامة استفهام!؟

من وقت لوقت

بتفكر فيه من وقت لوقت..
وخصوصاً يعني ف آخر اليوم
وتعيش فاكراه ف بتنسى النوم
وتحنّ إن جت سيرته ف قعدة
وان شمّت برفان كان حاطّه
أو شافت خطّ شبه خطّه
أو واحد يشيله شوية
أو حتى ان سمعت أغنية
كات نازلة جديد وبعتهالها
وتخاف الناس تسأل ما لها؟!
أو مين ساب مين؟!
وازاي أو ليه؟!
وتقول ده نصيب بقى نعمل إيه
والدنيا بتاخذ وبتدي..
ومفيش ولا حاجة مسيرها تدوم
وانا عادي يومين وهعيش وانسى
وتداري برغم انها لسه..
بتفكر فيه من وقت لوقت
وخصوصاً يعني ف آخر اليوم!!

سكوت اضطراري

بتعيشي كأنك صوت واطي
ف شفايف مبتعرفش تبوح
بتعيشي كأنك ناي زعلان
وبيعرف لحنه بصوت مبوح
مكياجك دايب ف دموعك
والروج بإيدين صمتك ممسوح
والجرح ف لحظة بيبقى جروح
وخصوصاً لو قلبك يعشق
ف تعيشي كأنك مش عايشة
وتموتي كثير لو قلبك دق
وتحبي وتضطري تداري
علشان فيه شيء اسمه المفروض
البنيت اللي بتعرف تنسى
ملهاش في الواقع أي وجود
الراجل أه بيعرف ينسى
أما انتم لأ!

عشان حبت

بتكره نفسها أوقات عشان حبت
عشان ملقيتش حد يقدر الكلمة
اللي بتقولها!

عشان سابت بيبان روحها
مواربة لحد يدخلها

عشان ضعفت كثير جداً
وسابت دمعها ينزل

على الفاضي وع المليون

دي كانت هبلة للدرجة اللي
خلتها..

مبتنامشي ف وقت ما هو

كان زعلان..

بتكره نفسها علشان..

كان نفسها تلقي اللي

يفهم ضعفها ده ويحتويه

مش كل حاجة تبقى أمر

تنفذه بناءً عليه!

أساساً حبته على إيه؟!!

ما دام هوا مقدرشي

دموع عينها اللي نازلاله

ففور ريد

ولا كان حُيها ف باله
ده كان قبل اما يطلب
منها تدعيه
بتبقى هيا داعياله!
وضاع كل اللي كان بينهم
بأنانيته..
واهي دلوقتي عايشة
تقول يا ريتني ما كنت
حبّيته!

الآن فور ريد

سريري رصيف..

ياخدني ف حضنه لما تطولني ايد البرد

وعمري خريف

مشوفتش فيه ولا خطيت جناين ورد

وأوضتي الشارع المليان

عيال تسرح تبيع مناديل

بنقسم لُقمة حاف لكن

بتكفيينا ف آخر الليل

نبيع الفل للهوات

ونرضى بأي شيء مقسوم

وبنكمل حياتنا بصبر

وبيكمل عشاننا النوم

انا موعيتش ع الدنيا

لقيتني ف بيت وليا حقوق

ولو عثمانة في الحاجة

بخاف احلم وابص ل فوق

وعايشة حياتي روح رايحة

ورا أحلام بعيد عني

مفيش ولا شيء مطمني

عشان مطحونة بظروفي

فور ريد

محاصراني الحياة بخوفي

وقلبي بهمة متحاصر

وليه أصلاً أشيل الهم

وانا لسه يدوب قاصر!

الآن فور ريد

أنا البنت اللي بتعزبها ف خيالك
عشان ماشية لوحديها
أنا البنت اللي بتحللها لمزاجك
عشان عاجباك حاجات فيها
كلاب سعرانة ف عيونك
بتنهش لحمي بصاتها
وليه لنفسك مبسطها
ولو عاتبك ف يوم واحد
تقوله يا عم عديها
أنا البنت اللي مش قادر
تسيبها ف حالها في الشارع
ف يوم لما بعنيك تتشاف
أنا البنت اللي مش قادرة
ف يوم تمشي لحد البيت
بدون ما تخاف
ف عنيك ليه مليس دية!
بضيق لبسي بتلكك
ولو قالوا حرام بلاقيك
تجادل فيها وتشكك
ومن جواك لغيت فكرة

فور ريد

بإنك في الأساس إنسان
عموماً لو راضيها اعمل
وعادي كما تدين تدان!

الآن فور ريد

لسه حلوة

لسه تحت عنيكي «إسود»..

م السهر ف ليالي فرقة..

لسه دمع عنيكي «إسود»..

والعياط نازل بحرقة..

لسه حلوة وأحلى ف«إسود»

لو يلون لك هدوم..

لسه كلمة يا نهار «إسود»

واصفة عندك كل يوم..

لسه شعرك لونه «إسود»..

كله غربة وكله ليل..

بس قلبك لسه أبيض

عمره ما اتعود يشيل

ففور ريد

كُل الطرق تؤدي إلى البنت

١ - متوصلهاش للدرجة اللي تخلها تقول
«ياريتني قتلت إحساسي»
«وسبت مشاعري باب مقفول»

٢ - البنت لو قالت «مفيش» يبقى
في حاجات كتيرة مزعلاها بجد
قمة وجعها لو تقول «مالك»؟
وتكون «مفيش» هي ساعتها الرد!

٣ - طاوعها وحب تسمعها
سواء زعلان في يوم منها..
سواء هي اللي زعلانة
عينها بتبكي في الحالتين
فبالراحة على دموعها

٤ - افهم إن البنت لو حبت بتبقى أضعف..
فبلاش تهينها في ضعفها واتلم!
وافهم كمان إن السكوت ده كسوف
واهتم بيها وخلي عندك دم

٥- أبسط طريق للبننت هو الإهتمام
مش بس «أهلاً» «عاملة إيه» أو «رايحة فين»؟!
ولا كلمتين وقت اللقا وسلام سلام
فيه فرق بين الحب وما بين الروتين!

٦- متقولش القصص الحلوة..

دايماً تخلص ع الفاضي

البننت «كتاب مفتوح»

ولا واحد فينا قراه

الراجل دايماً عايز..

بننت تنسيه الماضي

مع إنه بطبعه أساساً

بيحب يبصّ وراءه

٧- ضحكها ان زعلت وراضها..

وان ضايقتك موقف عدّتها

وان خافت جداً هدّتها..

وخليك ع الفرح معودها

دي الواحدة اللي تحبك نعمة

لو ضاعت مش هتعوضها!!

المصري اليوم

الأخبار فور ريد

نور عينيك قاعد في الضلّمة
بيولّع شمعة ويدعيلك
يباركلك ربنا في الكرسي
يدّيك على قد ما تدّينا يا حامينا
ويخرب بيت «مرسي»
هو اللي خربها وجيت انت
بتصلّح مصر وترفعها
ومفّيش أحمال زايدة ده عامل
خد رشوة وهو اللي قطعها
ليك شنة ورنه وليك هيبة
لايق ع المنصب وكارينزما
حرية وعيش وقضاء شامخ
أما البنزين ف مفّيش أزمة
والدنيا جميلة وكله تمام
ومفّيش مسجون من غير تهمة
واللي يعارضوك قلة اندست
أو ناس بتشوشر مش فاهمة
وان كان ع الضلمه هنتعود
وان كان ع الجوع أهى مش فارقة
وان كان ع الصلاة ع النبي فإحنا

بنصلي بدون ما نشوف ورقة
من إمتي اتعودنا نعارض
أمرك على طول ماشي على الكل
وان كان ع الوضعب اهو يتحسن
والناس مرتاحة وزى الفل!

الأخبار فور ريد

مصر إيه؟!!

مصر صوت العندليب

أو رواية من نجيب

مصر يعني سدّ عالي

والسادات بطل السلام

مسرحية فيها مشهد

كوميدي من عادل إمام

يعني «ثومة» فقهوة بلدي

يعني علم أحمد زويل

يعني آخر كلّ ليل

مصر يعني زحمة دائمة

فكل إشارات المرور

لما تلقى العيشة حلوة

رغم إن العيش طابور

لما تركب ميكروباصها

وتبقى متشعلق فباب

واما تركب فيها تاكسي

ومتلاقيش تدفع حساب

يعني ركعة في الحسين

بعد شهرين اكتئاب

ففور ريد

يعني «أبو تريكة» اما فرح

قلبنا بجون في النهائي

مصر يعني أذكي عيل

طول ما هو في ابتدائي

مصر يعني الأهلي غالب

والزمالك عكس ذلك

قادم من بعيد..

يعني لو بطلت أشجع

يبقى انا ميت أكيد

يعني أي تشيرت تاخده

بنص تمنه ف بورسعيد

مصر يعني العيلة لما

تبقى فيلم اسمه «الحفيد»

مصر دولة كل واحد

مهما يحصل برضه هي

لسه حلوة ف كل عين

مصر فيها حاجة حلوة

هي ناسها الطيبين

عبد المأمور

آخر مسمار في النعش اندق..

والتالته اهي تابتة وناوية تصيب..

مع غيري ف صف هتهتف لأ..

لا ايديا تسيب ولا ايده تسيب..

الإسم حاميا وهو جبان مبيشطرش إلا علينا..

بدلة تحوله فجأة ل حيوان

أول ما يطيح بيطيح فينا..

ملعونة أوامرك ووزيرك..

ملعون همجية تفكيرك..

ملعونة عصابتك وزنادك..

أنا ممكن اكون صاحبك أو اخوك..

جارك أو واحد ف اولادك!

وشي اللي ف وشك والدخان..

حوالينا بيعميك قدامي..

إشمعني هناك عبد المأمور..

وقصادي لقيت دمك حامي..

فبقيت تضربني بقسوة وغل..

علشان مش عايز اعيش في الضل..

ملعونها الحيطه اللي بنمشي..

جنبها عشان خايفين م الحبس..

ملعونه رصاصتك لو خرجت
م الخزنه الميري وجات فيا..
لو كات دي حمايتك ل بلادك..
فأنا ههتف ضد الداخلية!

الأف فور ريد

«الأوجرة ورا»

أنا التباع..

بضيع عمري ع الأسفلت

جري عشان أجيب بكره

وقوتي وعلبة الدخان

وانطور وشي ف وشوش

كل نص جنيه..

بيركب من مكان لمكان

أنا التباع..

يا باشا خلاص ورا ولا؟!!

دفعتي يا أبله كله تمام؟!!

تعالى اركب ورا يا شقيق

عشان فيه واد تخين قدام

يا عم احمد..

ناولني الشاي

راجعلك يعني هنروح فين

وهديك الحساب وانا جاي

معاك على جنب هات نفرين

وهدي ف داخله الكوبري

عشان على طول بيبقى كمين

بيسحبوا فيه الرخص دُغري

ففور ريد

وعلي الصوت ومخمني
وسمعي صدى الطبله
ده صوت الست دوخي
ثواني ونزل الأبله
أنا التباع مهيش عيبه..
صحيح كان نفسي اكون طيار
وكله في النهايه سواء
حديد وبيتلقط ب رادار
من الموقف على الشارع
على الإكشاك وع الدكاكين
بركب ناس وأنزل ناس
ومش عارف محطتي فين!!

الآن فور ريد

دي كوره وجمعتنا زمان..

ف ليلة عيد.. أجازة صيف

ف ملعب إيجار..

ف ليل أو نهار

ف حارة.. ف مدرسة.. ف شارع!

من الآخر ف أي مكان يكون واسع

ويوم ورا يوم وجون ورا جون..

وانا بكبر.. بشجع نادي

لونه احمر بلون دمي

كما والدي وكما عمي

خدت حبه بالوراثة..

وكنت شاطر في الدراسة

أي ما في اللعب كنت

أيوه فاكر لما خدنا الدوري منهم

فرق بونت!

أيو فاكر جون «تريكة» في «الصفاقصي»

وجون «شهاب» في «الإتحاد»..

أيوه فاكر جون «عماد»..

والشيخ «أسامة» ف ماتش عمره

نهائي كاس ألفين وسبعة

ف فور ريد

كنت جنبه ف كل حنة وكنت مُخلص
في المتابعة..

كنت في الإستاد بغني..

غنوة للنادي وكيانه

كنت عارف كل لاعب

وكنت عارف فين مكانه

فجأة زي العادة واقف

ضربة جاتي من ورا

صاحبي كان بيقولي حاسب

بس جات متأخرة..

والضربة سبقت صوت زميلي

ومت زي كثير ف جيلي..

وكنت كاتب فوق تيشرتي لما

مت ف بورسعيد

إني لو بطلت أشجع

يبقى انا مية أكيد!

على باب مطار القاهرة

الغربة دائماً..

عاملة زي التضحية بالأم علشان الجنين

متعيشوا ولا هتسيبوها تعيش

يا شعب صلى الصبح

وقفه ف طابور العيش

يا شعب صلى الفرض

دم ودموع ع الأرض

وصفوف بطول وبعرض

بين ناس وشرطة وجيش

بنعض بعض ساعات

متقسمين جماعات

متقسمين أفراد

لكن قدرنا أراد

نقسم سوا خانة

جنسية مشتركة

في مصر حتى الزعل

والله فيه بركة

من وقت جيشها ما كان

ماسك ف إيد سيننا

بيشدها م الزمن

رخص التراب يا بشر

بس التراب له تمن

«تمن التراب الدم»

أو موت ولاد العم

والغربة لو تضحية

فالأم لسه أهم



على باب مطار القاهرة

بتلاقي ناس ماسكين ف ناس ميهبل

بتلاقي حد قبّل

ياخد سنينه كلها ف شنطة سفر ويروح

ما اهو زي غيري ما قال

«ملعون أبوك يا طموح»

والجوع ملوش توبة دايماً يموت كافر

يعجز لساني ساعات كثير

عن وصف أختي قبل ما تسافر

كانت بتكبر كل يوم أيام

كانت بتتكلم كثير من غير كلام

لكن عنها بترغي أزيد م اللزوم
كان يومها خالي من الفرح والنوم
كان يومنا خالي منها
يعجز لساني ساعات كمان
عن وصف أمي وهي بتودع «مها»
أختي اللي سافرت ع الرياض شايلة ابنها
كات حاطة روح أمي
ف الشنطة وياها
سافرت ولسه امي
دايما بتدعيها
والغربة زي الجرح
توجع ف أولها..
تحضرني ذكرى كمان
هحكي واكملها
الدنيا ساعات بتسيب مشهد
عمرک ما بتقدر يوم تنساه
مشهد تشوفه يكبرك
أضعاف ما عشت من الحياة
أختي بتنزل بالشنط
من بيتنا واحنا دموعنا
نزلت جري ع السلم

سكت اللسان والحضن
خد راحته واتكلم
وكأني أول مرة بحضنها
لا وكأني مش حضنها غير مرّة
نزلت دموعنا جوا مني ومَنها
فضحكنا من بره
قولتلها «كويس.. على فكرة
هتفضي البيت»

فقالتي: «براحتك بس أحمد

خد بالك منه ومن ماما»

«مها» دائماً نكدية وعلى طول

تقلبها مشاعر ودراما

سبتها تنزل وجريت ناحية

أقرب شباك ألمح عينها

بصيت علشان أشبع منها

مشبعتش مين فينا بيشبع

من حد ف وقت ما بيسيبه

ده الواقع وده دائماً عيبه

إحنا ف أيام فيها وطننا

ماشي يوقع ناس من جيبه

شهدا على الجبهة

وشهدا هتاف

شهدا الأمراض والعيش الحاف

أبطال أفلام الجوع والبرد

أطفال ف الشارع شايلين ورد

بيقربوا دائماً م العشاق

يدوهم دعوة وياخدوا فلوس

كلنا عايشن نشحت من بعض

فمتتعايروش ولا تتباهوا

ف بلدنا جميع الناس تاهوا

كلنا والله يا ناس فقرا

ومحدثش فينا مهوش محتاج

كلنا لافين دايرة إنتاج

مش ناقصة الدايرة دي تنقص فرد

الأرض ان سابت أولادها..

مش لازم هما يسيبوا الأرض

ففور ريد

المصري اليوم

المصري اليوم

بيقوم م النوم..

ينزل مش عارف رايح فين

أيام سودة وأسياد راضيين

أخبار.. أسعار.. أزياء موضبة

كوميكات كوميكات كوميكات

لايكات.. لينكات في الشات

ومليت القايمه بنات

بالباقة المش محدودة

تسمع «أوكا» و«أورتيجا»

وتشوف «صافيناز» و«شاكيرا»

كان قلبك «واحد جيجا»

واتحول فجأة لـ «تيرا»

إيرادات أفلام «السبكي»

«هيفاء» و«حكيم» و«الليثي»

من أجل الإستقرار

انزل وانتخب «السيسي»

شعب مصمم يتغابي

أو يمكن ناسه غلابة

فاكرين الجيش دبابة
وهنزل ناخذ صورة
أو من أجل الإصلاح
نزل يا «مورينيو» «صلاح»
اعتبره يا سيدي «رونالدو»
والواد زي ابنك برضه
ما الشعب خلاص باع أرضه
واشترى بتمنها الكورة

و«مبارك» لما خربها..

سابها من الباب الخلفي
واهي مصر اتقسمت بعده

فيل وإخواني وسلفي
على فين هنروح ف بلدنا

السكة منين يا اسيادنا
والشعب ده مبيتلمش

غير لو يتصور Selfie

كل اللي ف مصر بيغلي

إلا احنا يا بني آدمين

أنا خايف بكره يقولوا

إن أبو الهول كان قطري

أو إن الهرم الأكبر

أصلاً كان صنع الصين

مين قال ان بلدنا بلدنا
لمجرد إننا ساكنينها
وفيه ناس غيري وغيركم أصلاً
م الأول خالص ماسكينها
دي بلدنا معداش كماينها
غير ناسها الواصلة المسنودة
ف بلدنا الناس وقت الكارثة
بتشير صورة وبتغير
صورة البروفایل الموجودة
يا حداد على حد..

يا لسبب ما..

ويعدي يومين بعدها ننساه

أنا آسف طوّلت كلامي..

أنا آسف بتخطى حدودي

لكن مآساتنا بتتلخص

ف كلام كان قايله الأبنودي

«يا عم اقعد بس واشرب شاي

الدنيا ماشية وشعبنا نساي!»!

الحُزْنُ البَعِيدُ الهَادِي



دكتور نيفين

تعرف تتكلم مع نفسك.. عن نفسك
وتقولك «ما لك»؟!

تشكيلك منك سوء حالك

تقعد وياك.. تاخذك بالحضن

تطلع م الحزن.. وتنام راضي

تعرف تتكلم عن بكره

من غير ما تجيب سيرة الماضي؟!

تعرف ترتاح؟! وتحبك أوي لو كان لازم

وتسيب الناس تمشي وتمشي

من غير ما تبص وراك تاني..

-على فكرة ساعات بيكون م الصبح-

إن انت تكون شخص أناني..

تعرف مشكلتك إيه وياك؟!

إنك محتاج فترة راحة..

تتصالح مع نفسك فيها

وتواجه روحك بصراحة

وتشوف مين لازم يستنى

وتقوله «استنى» وتمسك فيه

وتشوف مين لازم يتودّع

من غير ما تفكر تبكي عليه
وبعيد عن أي كلام اتقال..
ربنا يهديك ويهدي الحال
أنا عايزه اقولك بس سؤال
هو انت مخاصم نفسك ليه؟!!

أنا بعرف أعمل كذا حاجة..
وقالولي زمان إن انا موهوب
وبدقة كبيرة بشوط في الطوب..
أنا عمري ما كنت ببات مغلوب
غير ف بلاستيشن أو طاولة

لكن في الدنيا بفضل الله
مخسرتش أبداً ولا جولة
مش عارف ليه دائماً ربك
بيشوف ان انا دائماً أولى
بالمكسب من أي منافس
مع إني مقصّر في الصلوات
وبناق واشتم وبعاكس
وقتلت توتر بسجاير

وعملت ذنوب تبني عمائر..
وغلطت كثير وكثير وكثير
يمكن من حبه ف عبد فقير
أو يمكن شايف فيا الخير
مش عارف والله حقيقي

ولا قادر أفهم كل ده ليه..
ودي حكمة ربك في حياتي
ترتيب ربنا بقى هنقول إيه
من رحمة ربك يمهلنا..
واحنا بنتمادي ف عمايلنا
وننام من غير تفكير سابق
بضمير غلطان لكن راضي
ونقول أهو بكره نتوب عادي
ولا بكره ببيحي ولا احنا نهون
على ربك حتى ونتجازي
ولأنه كريم رحمن ورحيم
أنا مش مستغرب من هذا!!

مش عارف ليه على عكس الناس
بكبّر بمُعدّل غير عادي
وكبرت ازاي كام ألف سنة
من وقت ما كنت ف إعدادي
لو هقعّد مع نفسي أحسبها
الحسبة هتخلص ب جناني
وهلاقي حاجات أنا بسببها
بالفعل بقيت واحد تاني
مستغرب ليه شكك طيب؟!
ندمان على حالك ولا في إيه؟!
مش كان جواك إنسان طيب

إيه اللي اتغير فيك أو فيه؟!
الدنيا تلاهي يا دكتورة
بتخلي الناس بحالات على طول
قدامك ليا فيه 100 صورة
وانا فعلاً ولا واحد من دول
أنا جيت الدنيا دي متبعتر
متقسّم 100 مليون حته
لا انا لاقى الراحة ففضفتي
ولا لاقى الدوا جوا روشته

أحبيك إيه عني قوليلي؟!!

ما تجرّبي إنتي وتحكيلي

على فكرة صحيح..

-كلنا مرضى-

أحلامنا بتخبط في العارضة

فنحس بيأس وبنسلم..

«من كتر اللي انا عايز أقوله

مش عارف فعلاً أتكلم»

ممكّن أحكيك عن «سارة»..

أو عن «رانيا»..

ممكّن نتكلم عن أختي..

الدنيا اللي ف قلب الدنيا

ممكّن نتكلم عن «إسراء»..

وساعتها كلامي هيبقى عياط

أنا ببكي عشان كان نفسي اضحك
أنا بضحك من كتر الإحباط..
هستيريا غريبة وبنعيشها
مشاهدها بتنتهي ب دراما..
كلنا لحظة ما بنتفارق
بنسدّد من روحنا غرامة
وبندفع عمر وحزن وخوف
والخوف معروف لو زاد
يضعف..

أنا مش تعبان بس ناقصني..
أتعلم أصدّق إني هخف..

أنا عايش وهم على الموضة
والوهم حبس روحي ف أوضة
ملهاش ولا باب..

أنا دكتور «أحمد» قالهالي
وان شافني أكيد هيقول تاني..
إن انا من ناس غاوية تعاني
وتقلّب سكر أصلاً داب
الحب عشان «حلو وكذاب»
بيعشّم ناس وبيخلى ب ناس
وانا زي الناس عامل مرتاح
جبت المفتاح ضيّعت الباب
ولقيت الباب ضاع المفتاح!

حبيت كام بنت

حبيت كام بنت؟!!

أقصد حبيت حبيت يعني..

مش حب يدوب كان بمكالمات

أو حفلة سيما وكام صورة

أو قاعدة ما بين اتنين ف كافيه

-حبيت حبيت كانت مرة

وفارقت بجرح بيوجعني

كل أما بفكر ف ماضيينا

أو حتى بدون ما بفكر فيه

حبيتها إزاي تقدر تحكي؟!!

أو تقدر يعني تقول تفاصيل

كانت بتميز علاقتكم عن كل

العلاقات الثانية؟!!

- حبيتها عشان كانت دنيا..

من غير أسباب واضحة كفاية

ضفايرها اتفردت جوايا..

ولقيتني بدون أسباب برضه

بعمل حوالين حَبْنَا دايرة..
وبشد خطوط تحت كلامها
وكأني بقيت عايش علشان
أعرف وأحقق أحلامها

وفراقكم؟!!

- وفراقنا ده قصة..

حدوته ف قلب الحدوته

اللي انا بحكيك بدايتها

تغيرها الجذري انا مفهمتش

حسيتها بقت واحدة غريبة

لا اعرفها ف يوم ولا حبيتها

مبقتش تحسن ب ولا حاجة

مهما اعمل مبقاش يعجبها

في الوقت ده أدمنتها فعلاً..

مقدرتش ولا لحظة أسيبها

وفضلت اتعور من جوا..

بكلامها اللي جرحني زيادة

وفضلت انسالها اللي تقوله

ولقيتها بعند بتتمادي

وكانها حالفة اني اخسرهما

- من يومي وأول ما أتعلق

باللعبه اللي ف ايدي اكسرهما
علشان مبقاش عبد لرغبة
تتمكن مني وتأسرني
وانا مؤمن إن اللي يسبني
أنا مخسرتوش هو خسرني

فلقيتني ف يوم بعلن إنني..

بلعن أيامنا وتفاصيلها

بعاملها بمثل ما بتعامل

على قد ما باخد بديلها

على قد ما تهمل بهملمها

مبقيتش الساذج والسطحي

والملوي دراعه عشان بيحب

مبقيتش اللي ف يوم ما بيعشق

بيشوف البنت ف كوشة وبيت

م الآخر أيوه عشان تعرف

حبيتها زمان ف بقت أضعف

والدنيا مشيت عكس ما اتمنيت

«حبيت أحب بجد متحبتش

حبيت محبش حد ف اتحبيت»

كان ممكن أوي والله
 إن انا مبقاش وبقيت
 إن انا مبكيش وبكيت
 أنا للدرجادي عبيط؟!

- لا كمل بس انا سامع

عارف أنا كل ما بكسب
 بحسب فلاقها خسارة!
 عارف كان ممكن جداً
 أفضل لـ سنين مع «سارة»!
 نتجوز ونجيب بنت
 صدقني زمان انا كنت
 بطمن للأيام..
 واحلم بالبيت الواسع
 والحلم كبر جوايا
 أنا كنت بشوف أوقات
 «سارة» دي بتصلي ورايا
 معلىش ان كنت بأفور
 وبعيش أحلام وردية

صدّقني العيب مش فيا
العيب في الدنيا وعيها
بتحب الحاجة تسيبك
وتحبك حاجة تسيها
وانا زي ما سُفت روتيني
بطلت اكتب من فترة
عارف أنا معظم يومي
زيارات أصلاً لدكاترة

أنا مبسوط ان انا شوفتك
أنا مبسوط اني حكيتك

فوق ريد
- بس انت بجد واحشني
كان ضغط الشغل حايشني
ويدوب أول ما رجعت
من بره رجعت وجيتك
بلكونتك فين انا عايز
أطلع أشرب لي سيجارة

استنى الأول بس
بنتي اللي ف ثانوي
يا سيدي
سلمي على عمو يا «سارة»

أسف يا عم «فالنتاين»

أسف يا عم «فالنتاين»..
عدّي السنادي كمان وسجلني
غياب..

السنجلة مش مشكلة..

مش طالبة عك..

ولا ناقصة شك وغيره حتى

أو عتاب..

منكرش إن انا نفسي حقيقي

أخرج مع بنت واغير جو..

وبقولك لو..

أنا كنت لقيت حد بيّفهم

أنا كنت ساعتها بقيت جنبه

لكن أنا كل ما اكون مع حد

يبعد ويقول قال مش ذنبه

وانا قلبي ده مش فندق يعني

أنا أبسط حاجة بتوجعني

واهو عادي مجتش على اليوم ده

وانا أصلاً عايش من مدة

ومسستم نفسي على الوحدة

وحياتها عايشها يا عم تمام

لا انا بشحن زي الناس على طول
ولا برغي كثير في التليفون
ولا بقعد أسب لـ«فودافون»
ولا ضايع وقتي ف أي كلام
ولا قاعد مجروح م الصدمة بسمع
«مش زي الأفلام»

أنا زي الفل واشطه وبيس
مش بفتح شات بالليل ع الفيس
ولا بسهر أكتب أغنية
«لا بأس ببعض الحنية»
وبعشم نفسي أعيش مع حد
والاقيه بيسيبي بدون أسباب

الأمور ريد

غير متاح

تليفون من نمره انا معرفهاش..
أو كنت حافظها زمان جداً..
ونسيتها عشان نسيت هي
وسابتني لوحدي بدون أسباب
وقالتلي يا ريت نبعد لكن
نفضل من بعد البعد صحاب
نطمئن من فترة لفترة..
نتقابل؟! جايز مين عارف
الدنيا أكيد هتجمعنا..
م الآخر قلنا كلام يمكن
على قد ما ربحنا وجعنا
وقفلت ساعتها ودُست ديليت
على كل صورنا ورسايلنا..
ورقمها كمان برضه مسحته
ومسحت كلامنا ف آخر شات..
كنا بنتكلم بعديها.. لكن
مبقاش بينا مكالمات
أنا قلت ارتبطت وارتاحت
ووجودي خلاص مبقاش فارق
وفضلت اعرف غيرها وافارق

فوق ريد

وعرفت ومعرفتش غيرها..
ونسيتهم وفضلت فاكرها
أحياناً كنت اسأل نفسي
طب هو انا باحي ف تفكيرها؟!
طب هو مريحها وهي
برضه بتدعيه اما تصلي
من هنا لهنالك ردّيت.. سألت
«إزيك»؟! «إيه الأخبار قولي»
«طمني عليك بعد بعادي»
ردّيت: «الحمد الله عادي»
«إزيك إنتي وإيه الأخبار؟»
ردت «من غيرك تعبانة..
وبحس بوحدة وذنوب فظيع
كان لازم افكر قبل ما ابيع
أصل النبي آدم بسذاجة
عمره ما بي فكر في الحاجة
غير لما تضيع..
وأنا لما حسبتها ف غيابك
ملقتش سعادتي الا ف حبك
والفرحة اللي انت اديتها لي»
أنا كنت مقشعر م الفرحة
لكن كان كل اللي ف بالي
الجرح اللي انا بعدها شُفّته

ففور ريد

والخوف اللي ف بـُعدھا خُفْتُهُ
ف قاطعت كلامها بكذبة وقلت
«معلش انا دلوقتي لغيرك..
ومعاهها ومش هبعد عنها»
معرفةش انا ليه كدبت عليها
جايز علشان شايل منها
أو جايز علشان علاقتنا
بقي فيها كسور مبتصلحش
ومساوي ياما متتعدهش..
ف قفلت معاهها وانا مقرر
مهما اتصلت تاني مرّدهش

فـُور ريد

أنا طفل معجز بتعكز
على قربك مني عشان أمشي
مش شايف غيرك قدامي
ولا شايف للأيام قيمة..

مجروح بيضطرب على مجارح
قشاية فريح رايحة وجاية..
لا انا قادر اشوفك ضحيتي
ولا قادر اشوفك أنانية..

أنا عندي ذهول وف فضول أعرف
أنا وانتي ازاي فجأة بعدنا؟!
كان حب حقيقي ده ولا احنا
على بعض حبيبتنا اتعودنا؟!

-السما بتمطر- وانا وانتي عن بعض بُعاد
لا أعرفك عنوان ولا سكة ولا بينا معاد..

أنا تايه منك جواكي.. أنا تايه مني وملقتنيش
من كتر ما كنت بموت فيكي.. معرفتش اعيش
معرفتش احبك حب بسيط.. يربطنا بخيط

رايح من إيدك على إيدي

معرفتش أحبك حب روتيني وتقليدي
معرفتش أحبك غير بدارما وخوف وشكوك..
يومياً بتخيل فرحك..

وانا واقف وسط المدعووين وبقول مبروك

قلقان بيظمن قلقانة..

هيعيش ازاي الحب ان خاف؟!

المحزن جداً في القصة..

إن انا أيوه بحبك لسه

وانك مكتوبه عليّ بجاف

لا انا عارف اشيلك من قلبي

ولا عارف أفضل جواكي..

أنا فعلاً مش عارف أسيبك

ولا عارف أفضل وياكي..

لا لقينا سعادة ف قصبتنا

ولا حتى ساعدتيني أساعدك

مع ذلك هتكتب علي قلبي

«ممنوع علي أي بنات بعدك»

الأفكار فور ريد

عشر دقائق بُكا

للمرة العاشرة بقول «ما لك»
وتقولي «مفيش حاجة.. اتطمّن»
وتحاولي تخي كلام باين
من غير ما تقولي كلام يداريه
جه عياطك بيقاطع صوتي
وأنا بسأل سر سكوتك إيه؟!
أتاريكي ف وادي وانا ف وادي
موجوعة بشكل مهوش عادي
من سبب أنا معرفهوش لسه
وما زلت مُصرَ إنك تقوليه
فسألتك «طب بتعيطي ليه»؟
وأنا عايش ليه أو علشان مين
أو لازمتي إيه أصلاً عندك؟
هو انا مش قُلت ف أول يوم
حبيتك فيه هفضل سانداك؟
وان شُفت دموعك همسحها
من قبل ما عينك تبكها
-إن كان فيه حاجة أنا معرفهاش
لو حتى هتجرحني احكيها-

ردت بعياط أكثر ف بكيت
وبكينا لحد أمّا شهقنا
و ف وسط كلامنا رميتلي سؤال
«تفتكر الموت هي فرقنا»
لكن من قبل أمّا تجاوب
أنا طول مانا عايشة هكونك قلب
بيحبك ولاخر نبضة
لحظتها لساني سكت مني
واتحول إحساسي لقبضة
وحاولت أكذب إحساسي
علشان ميبانش ان انا موجهوع
فبدأت أغير في الموضوع
قاطعتني وطلبت مني اهتم
وقالتلي انها عملت تحاليل
وطلع عندها سرطان في الدم
وحياتها يدوب حبة أيام
تتعدّ على الإيد مش أكثر
وقتها حسيت اني اتشليت
م الصدمة ومعرفتش افكر
وبدأت عياط ومخلصتش
غير لما قالتلي كلام حسيت
منه انها بتقولي وصية
فسمعتة وروحي بتقطع
وايديها بتبرد ف ايديا

فورا ريد

جواب ماوصلش

حبيبتي الطيبة جداً/

تحية طيبة زيك

مفيش المرة دي ازيك

مفيش بعد الغرام والشوق

من الآخر أنا مخنوق

بقولك إيه..

بقالي كثير محستش انك الأم اللي بتلومني

على

تقصيري ف صلاتي..

ولا حسيت

بانك أختي ومراتي

وديني ودينيتي وبنتي

بقالنا كثير مخدناش بعض م الدنيا

وروحنا مكان مفيش فيه غيرنا أنا وانتي

بقالنا كثير

كأن أنا وانتي متفارقين

بنتكلم كثير لكن.. كلامنا قلته أرح

وكل ما نيجي نتكلم.. أنا وانتي بنتجرح

وبنعاتب ف بعض بهم.. وبنحول حياتنا لغم

يا ساكنة ف كل نقطة دم..

أنا والله مش نكدي
ومش قماص
ومش زعلان يا ستي خلاص

أنا كل اللي انا عايزه
نعيش أنا وانتي متفقين
وناخد هدنة م الخناقات
و م القلق اللي عايشين فيه
ولما أقول ف يوم همشي
تقولي استنى رايح فين
وانا بعدك هعيش ازاي
حبيبي وليه

تقولي «هسيب»
أقول «لأه»
أقول «همشي» تقولي «بلاش»
تكوني ف جرحي بكرة شاش
وأكون لو تتعبي راحتك
حبيب بيظمنك دائماً
وأخوكي اللي انتي بتحبيه

أنا معرفش من يوم لما حبيتك
لغاية وقتنا هذا بحبك ليه
يا مجنونة.. يا أعبط عاقلة
في الدنيا..
وأطيب بنت شريرة

يا رب تموتي م الغيرة
يا رب تموتي فيا كمان
يا رب كمان أموت فيكي
على الله نعيش سوا ف أمان

خلاص مش عايز أقول حاجة

ومش مستني منك رد

باقيلي بس إني أقول

ياي بحبك انتي بجد

ولا عايز ف يوم غيرك

ولا فكرت أتمنى

معاكي طول مانا ع الأرض

لحد ما نطلع الجنة

فصلي ورايا لو صليت

ولو قصرت عاتبيني

وحبيني وعيشي عشاني

أرجوكي

جواب مرسل من المدعو:

حبيبك

إبتك المجنون

وجدو

وبابا

وأخوكي

ورقة ومقص

فيلمك خلص..
تتر النهاية بيبتدي..
حدوتة بين ورقة ومقص..
ماساة طويلة بتنتهي..
بموسيقى أهدى من الشروق..
إزاي ههرب من هنا؟!
أو فين هدوق طعم الهدوء؟!
وازاي يجيلك قلب يوم تتغيري..
أو تقدري..
لو ساعة واحدة على الغياب..
وتقطعي مع الجواب..
وتعوري وش اللي كان بينا
وتسيبي جرح ف كف إيد..

بكره اللي كان ماسك إيديكي ف سكتي؟!
ضل البُكا لسه موانس خطوتي..
من بعد ما فارقتي الطريق..
مبقيتش أنفعلك حبيب..
ولا حتى قابل دور صديق..
مقدرش أقسم نفسي علشان أنفعلك..

مقدرش أعيشك نص نص...
وعلى العموم أنا كنت عايزك بالأخص
لكن أنا مقدرش أكون ورقة عشان حبك مقص

الآن فور ريد

الزمن: أول ديسمبر..

جو شتوي بطعم يوجع..

كل واحد ساب حبيبة

السما أوقات بتصفى

بس في الغالب كنيبة

والحياة كات فيلم عربي

بس مخلصش بجواز..

وانتهي بنهاية كانت

كلها حزن ودراما..

لما شافها راكبة مترو

بس كان بينهم إزاز

واما شاف ف إيديها طفلة

صغيرة بتقول «يا ماما»

واما شاف غيره ف إيديها

واما جت عينه ف عينها

هي خبت عينها منه

كأنه عمرها ما كان ف بالها

بعدها ضحكت لجوزها

وبنتها وراحت لحالها

لما شافها اتمنى تبقى

ففور ريد

هي دي المرة الأخيرة
وابتسم بس ابتسامته
كان وراها دموع كتيره

بعد سنة واتنين وخمسة..

كان ف نفس مكان جمعهم

يوم وداعهم فافتكرها..

لما كان مستني يركب

مترو من نفس المحطة

لما عدت بنت حاطة

نفس برفاتها اللي كانت

هي حطاه يوم وداعها

بس كان ف ايديه مراته

وابنه نايم فوق ذراعها

الشتا دايم بيوجع

مهما فات الوقت بينا

ضحكنا فيه عبارة عن

دمع متداري ف عنيينا

والمخلص في النهاية

جملتين قالوا الحكاية

الأماكن والروايع والأغاني والشتا

كل دي أشياء تعيش أي ذكري ميّنة

إدبني مساحه ووقت أقول..
حببتك؟! أكثر م المعقول
صدقتك؟! عمري ما كدبتك
أنا عمري ما سبتك تسبيني
ولا قلت هسيبك ولا سبتك
إنتي اللي ف لحظة اتبخرتي..
وكانك حلم انا منه صحيت..
لو كان لك عقل وفكرتي..
كان ممكن تستني معايا
كان ممكن نوصل لبداية
ولهدنة تاخذنا من الأحزان
لو ليا رجعتي انا هفرح اه
لو مرجعتيش أنا مش زعلان
م الآخر يعني أصل انا إنسان
وبحس وبندم وأتعلم
وبعاني عشان أعرف أنسى
وبعيش ب الزق
طب لسه بحبك؟! اه لكن
لو جيتي سألتني هقولك لا

فأور ريد

بشتاق؟! منكرش كتير بشتاق

وبحنّ لّان موبايلى یرن..

وبحنّ لصوتك مهما یغیب

وبحنّ لإيدك مهما تسیب

أنا كنت معاكي غریب عنك

و ف بعدك عنى انا عنى غریب

مبقیتش بحس ان انا حاسس

من كتر اللى انا حاسه ف غیبتك

ده لدرجة انى منیش عارف..

سبتینى انتى ولا انا سبتك؟!!

ولا ده كان حل وصلنالہ

علشان نرتاح من أفكارنا؟!!

بالذمة مبوحشكیش يعنى

ولا عینك بتشوف ف صورنا؟!!

ولا عقلك قالك فىن هو؟!!

ولا قلبك سالك بعمل إیه؟!!

وبعیش ازاي وهعیش مع مین؟!!

معقولة يكون قلبك لا اشتاق..

ولا مرّ بأي حنان وحنین؟!!

أنا كنت عبیط للدرجادی؟!!

ولا ده كان إخلص للماضى

ولا ده كان وهم وصدّقناه؟!!

أو یمكن بس انا صدقته

أنا عارف ان ده مش وقته

أنا بس بقول اللي انا شايله
وبفضفض مع نفسي شوية
أنا عارف لأ.. أنا متأكد
من إنك روحتي ومش جاية
وفيه باب ورا باب ورا باب بينا
ومفيش ولا باب منهم مفتوح
أنا كل اللي انا مستغربه
إزاي بعد ده كله ارتاحتي
وازاي أنا بعدك كده مجروح

أنا هنكر إنك جوايا..
أنا هنكر إنك ف وريدي
خدي صورتك من نن عينيا..
خدي ريحة إيدك من إيدي
خدي نفسك بشويش من قلبي
من غير ما تقولي انك ماشية
مش عايز أعيش ف وداع تاني
واتحایل علشان تستني
خدي نفسك وامشي بعيد عني
خدي كل الماضي اللي ما بينا
خبية ف مكان أبعد مني..
وخديني ليوم انا ماعرفتك
وبلاش نتقابل ولا اشوفك
ولا أعرف إنك موجودة

إنهي الحدوتة من الأول
لا انا حمل الحب ولا عمايله

ده كلام متشال.. اتقال من حد
كان فعلا أه بيحب بحد
وبيسهر يبعث فرسايل
لو حتى موصلتش رسايله
لكن دلوقتي ويا خسارة
اتشدت ع القصة ستارة
واهو قاعد من حزنه ف اوضته
بيكلم صورة على موبايله

الآن فور ريد

صاحبة القُستان

يا رحمة نزلت م السما..

على كل إيد عشمارة

و إيدين ربنا

يا كل شيء مش زينا

يا وردة يا متزينة

طعمك أمان

بعدك شجن

زنزارة فيها الكل بإرادته اتسجن

من غير سبب

عملوكي أوضة مضلمة

وارتاحوا فيكي من التعب

بك بيدينا الحياة

اوقات على هيئة بشر

وانتي حياة متوزعة

على كل ناس متجمعة

و احزان..

واتقاسموا ف الفضفضة

والوحدة والنسيان

يا صاحبتى يا صاحبة القُستان

لسه النهار له عنين

مور ريد

وانا بيكي شايف مية نهار

ف متزعليش..

مقدرش أقولك غير مفيش

أنا زي منك نفسي أطير

لكن مفيش ف جناحي ريش

الدنيا دنيا وكلنا دراويش

الهم هم وكلنا مجارح

مراكبنا ماشية عكس سير الريح

عايشين بنستني اللي مش جاين

أموات وعاملين نفسنا عايشين

يمكن نعيش فعلاً.. يمكن نصدق

نفسنا..

بتمنى نهرب من هنا..

ونروح سوا الأيام زمان

أيام ما كان الحب حب الروح

أيام ما كنتي عيلة بفستان

يمكن ربنا بيعلمنا

أنا تايه وانتي كمان تايهه
وظروفنا دي بتكتف إيدنا
ربنا كان ليه قدرة عجيبة
إنه يجمعنا ويبعدنا
فيسبني اشتاق بعد ما سبتك
وأسيبك برضه ف تشتاقي
يمكن ربنا بيعلمنا..
إننا بنزول وانه الباقي
يمكن بيقوم أخلاقك..
يمكن بيقوم أخلاقي
أو شايل حاجة ف علم الغيب
أو شايل مني عشان قصرت
من يوم ما بعدتي وانا إتغيرت
مبقتش أضحك زي العادة
ربنا بيغير لو شاف واحد..
متعلق بحبيبته زيادة
فياخدهم من بعض لنفسه
عشان يهديها ويهديه
وان رجعوا لربنا يتلاقوا
حكمة ربنا بقى هنقول إيه

طفل جداً

انا طفل جداً..

وده شيء باينلك مش ضروري اني اثبته..

انا دبة بتموت صاحبها ان حبته..

انا طفل لما بحب شيء..

بفضل أخاف إني اخسره..

وان ساب إيديا وراح بعيد..

أول ما يبعد بكسره

انا طفل عمري معاكي عمري ما اكبره

فاستحمليني ان خلقي ضاق

وطلبت منك يوم فراق

دا انا قبل ما بسيبك بحن

وبعد ما بسيبك بموت

مقبلش أبدأ يوم يفوت

وتنامي فيه متنكدة!!

انا طفل جداً فافهمي

إن العيال دائماً كده

صباحك

صباحك ضحكة بتسگر..
ساعاتي الجاية من يومي
صباحك عين بتختارلي..
بذوقها الحلو ف هدومي
تدوم الضحكة دي ويدوم
وجودك كل أول يوم
لأن الشمس مش بتقوم
حببتي قبل ما تقومي!

فؤور ريد

إزاي حببتي بتقدري..
تبقى المسافة وبُعداها
تبقى الحياة وما بعداها
تبقى الشوارع كلها..
تبقى المساكن والأماكن والغنا
إزاي حببتي بتقدري تبقى أنا!

سبب الحب يختارك

وكانت هي بتحبه..
وكان بيحب غيرها بجد
وكانت غيرها دي بتحب..
ف غيره وغيره مع غيرها
ومهما فضلنا نتمنى..
محدث باقي فينا لحد
ودي القاعدة من الأول
ودي العبرة اللي ف آخرها..
محدث عاز ف يوم حاجة
وجت ف إيديه على الطبطاب
تحبك هي تنساها..
تحب انت فتلقاها
تقول خلينا عادي صحاب
ولو صادفت وحببتها
وكات حباك كمان هي
تملوا شوية بشوية..
وتلقى الحب يتحول
لأي علاقة روتينية
رجعتي إمتي من بره!
وقلت انا ألف مية مرة
خناقة من الهوا تبدأ..

يا صوتك يعلى على صوتها
يا تكره خوفها وسكوتها
يا تكره عندها وتزهق
تبص تلاقى علاقتكوا
بنتحول خناق ف خناق
ومن أجل الجميع دائماً..
بتنهبوا المشكلة بفراق

يا أطيب أغبي ناس في الكون
كرهنا الحب بسببكوا

مفيش في الدنيا شيء مضمون

فسيبوا لربنا نصيبكوا

بلاش تستهلكوا الإحساس

ف ناس ملهوش فيكم حق

نصيبكم جي مهما يغيب

وبكره قلوبكوا تشبع دق

عزيزي اللي انت بتدور

على الحب اللي نفسك فيه

بلاش تجري وراه لأنه

هيبي لوحده.. خايف ليه!؟

ومتفكرش طب إمتي!؟

ومتزودش أفكارك

بلاش تختار ف يوم إنت

وسيب الحب يختارك

سايب وانا اسيب

ليه بنلعب دايماً

سايب وانا اسيب..

وتغيبي واغيب

ماهو يا انتي غريبة

يا انا اللي غريب..

يا احنا الاتنين مجانين بغباء

نبعد نشتاق..

ونقرب جداً نكره بعض..

نلجأ للبعد..

نبعد نشتاق

ونقرب جداً من تاني

وتعاني وأعيش جنبك اعاني

تفضل تتكرر حكايتنا

ونعيد ونزيد..

لا انا عارف أقرب ولا عمرك

بتكوني بعيد

أول ما بنرجع بحلفلك

إن انا مش سايب لو سبتي

واني هكون جنبك يا حبيبتي

وهكون مخلصك لو غبتي..

وان كُنْتِي لغيري انا هبقي وحيد

أول ما بنرجع تقولي لي ..

إنك غلطانة ف حساباتك

وانا جزء مؤكد ف حياتك

وحبيبك وأبوكي وذاتك

والحُضن اللي بيملاه التنهيد

وشوية شوية بنتغير

وبننسى كلامنا ونتفارق

ونقول معلىش قدر ونصيب!

وبنرجع نلعب

سيب وانا اسيب

الآن فور ريد ***

مكان ثابت

أنا عايز واحدة اما احضنها..
يتحول كل كلامي دموع
واتحول عيل بيعاند..
ساند على إيدها عشان يمشي..

أنا عايز واحدة مبتنامشي..
غير لما تحس ان انا مرتاح
غير لما تشوف نفسها فيا
وتكون حدوتة وأغنية..
بسمعها فأروح في النوم على طول

أنا عايز واحدة تكون فاهمة..
أنا ساكت ليه من غير ما انا اقول
تفهمني وتستوعب إني..
خايف وإن خُفت تَطْمَني
وان خافت تتدارى ف حضني
وتاخدني من الحزن ان خدني
واخطفها من الدنيا بحالها..
وتسيبني وتعمل ما بدالها
و ف قلبي مفيش واحدة بدالها

ويشوفها الناس منها يغيروا
ومشيلش ف يوم منها ان سابت
واشتاق لو مرة ف يوم غابت
وتكون ف حياتي مكان ثابت
مهما ابعده عنه مليش غيره

اللا ففور ريد

عن بنت

عن بنت بتسحب بالليل..

وبتسكن روعي وتفاصيلها

عن بنت انا مهما مشيت فيها

بلاقيني يدوب على اولها

انا برجع دايماً بحكيلها..

واشاركها همومها ومشاكلها

وبحب كلامي عشان لها

انا برجع عيل مع اول..

حدوتة حبيبتني بتحكها

بتعلم منها اكون انسان

قلبه ابيض ف ابيض مش بيشيل

بتعلم منها اشوف بكره..

ولانه معاها وبس جميل

ملامحها بتيهت على شكلي

فالاقيني شهبها وبلاقيها

تشبهني ف ضحكة انا بضحكها

وف دمة مصمم اخبها

انا بحلم بيها بيحلى الحلم

وبحس اننا طالعين من فيلم

او شخصيات كارتون «ديزني»

معرفة ازاي دخلت قلبي
من غير حتى ما تاخذ اذني
الدنيا اهي رسمت ادوارنا
مش ناقص غير صالة وسيما
أنا كل ما حطها ف مقارنة
مع حد بيبقى ملوش قيمة!

الآن فور ريد

قبل وبعد

قبل

مبدئياً.. هي حالة
بنت مبعوتة ف رسالة
نازلة من سابع سما
جنة على هيئة ملامح
وش مخلوق من براءة
لما بس تغيب ثواني
الحياة بتنقص إضاءة
هي إسمي وهيا ستي
ومهنتي ف قلب البطاقة
ربنا اللي اختارها ليا
باختصار عيشها فيا
هي مهما أنا قلت هيا
صعب أوصف هيا إيه
نعمة لازم أحترمها..
واحتويها..
وأبقي واثق إن فيها
كل شيء أنا نفسي فيه..
ربنا طيب بخاطري

واستجاب لامي ف دعاها
إني الاقي بنت تبقى
دنيتي وارتاح معاها
هي دبلة ف كف ايدي
عيلة تايهة ف وريدي
بين قديمي وبين جديدي
هيا عمر أنا ببتديه!!
هيا كوبري وليل ومطرة
هي طاقة حب نادرة
رغم خوفي لسه قادرة
تحتويني وتحتويه
هيا أقرب حد مني
زي ما تكون شيء ساكني
والرجولة ف كوني إني
طفل بتطبطب عليه
هي لحظة بألف عام
عشوائية في الكلام
حلم دائماً لما انام
بلتقيني حلمت بيه

هيا كانت كل حاجة
كل حد وكل يوم
يرمي روحه ف بحر روحها
واما يفرق فيه يعوم
هيا دبله بين صوابه
فاهمة عقله وعارفة طبعه
هي كات من يوم ما شافها
نص تاني مكمله
واما كان بيكون اناني
او غريب تتحملة
حلمهم كان بيت صغير
حضنها عشه وحيطانه
هو بيموت فيها جداً
هي كات بتعيش عشانه
هي غابت واما غابت
كل شيء ف بعادها غاب
هي مسكت فيه مسكها
والقدر هو اللي ساب

أنا وهو وهي

الآن فور ريد

البُكا كان لا إرادي
 والزعل كان بانتظام
 السكوت كان وضع عادي
 والكلام كان مش كلام
 هي حالة.. واضحة جداً
 باختصار حالة وفاة..
 والغريب إن اللي مات
 لسه على قيد الحياة
 نبضه عادي.. شكله عادي
 عادي جداً.. عادي بحت
 روحه طلعت فوق معاهم
 بس جسمه لسه تحت!

فؤور ريد

طب ليه بنتعلق بزيادة؟!
 وسؤالي ده ليك انت وهي
 مع إن البُعد قانون ثابت
 ودي حاجة أساساً طبيعية
 هنا من ومحدث ضامن
 ونعامل ومحدث كامل
 ده لأن التعريف الشامل
 للدُنيا انها رايحة وجاية!

الأفكار فور ريد

أنا نفسي أقول اني بحبك..

مع ذلك..

خايف أقولها لك

مع إن صوابي بتتكلم

مع كف إديكي وانا بسلم

وعنيا اللي كتير بتبلم

وانتي ف غيبوبة ولا ف بالك

مع إنني بقولك لما بقول

إن مفيش غيرك فرحني

وان احنا كلامنا مرتحني

و ف تعاير وش بيفضحني

و ف قلقي اللي ف كلمة «ما لك»؟!

وانا نفسي أقول اني بحبك..

مع ذلك..

خايف أقولها لك

بصيت للحي شوية..
 وحاولت أتخيل شكله
 بجواز وضغوط ومشاكل
 والشغل وتقل مشاكله
 أو شكلي ان شعري ابيض
 وشي وتجاعيده ان زادت
 ولقيت ان انا مش ممكن
 أتحول قصة اتعادت
 وأطلع ع الدنيا معاش
 أو آخر مشهد ليا..
 ينتهي والناس حواليا
 ف سرير أوضة الإنعاش
 أنا مش متخيل فعلاً
 إن ده ممكن يحصلي
 وان انا ممكن أوصله
 إحساسي الدائم قالي
 إنني هموت قبل ده كله

هيجيلك وقت تحس انك
 أبرد من أبرد تلاجة..
 وتنام وتقوم.. وتعيش عادي..
 مش حابب ولا كاره حاجة..
 ولا فارق وياك ولا حاجة..
 ولا نفسك تبقى ف يوم حاجة..
 ولا أصلاً ندمان على حاجة..
 يستغرب غيرك من حالك
 فتلاقي سؤال بيقول مالك؟!
 ف تجاوب «عادي مفيش حاجة»!

الآن فور ريد

وضميني كأنك برد..
 كأنك خوف.. كأنك حزن..
 كأنني خلاص هموت بكره..
 كأن الحزن آخر حزن..
 كأن عنيكي مش جاية
 خلاص ف عينيا من تاني..
 ونامي جوا شرباني..
 وحسي بالأمان جوا..
 وكوني حناني وحنيني
 وبوسي رقبتني وسيبيني
 كأنني مفارقك الليلة
 ل مكان معرفش فين هوّا

فور ريد

ريحة روحك سبرتو..

ريحة كتفك دموع

ريحة قلبك أغاني

ريحة حضنك رجوع

ريحة روحك سبرتو..

وشربت الليل سكرت

ريحة كتفك دموع

فارقك صاحبك كبرت

ريحة قلبك أغاني

طالع نازل تعاني

ريحة حضنك رجوع

من أول يوم سافرت!!

فور ريد

معظم حكايات كل العشاق..
 تتلخص دائماً كالاتي..
 اتنين يتقابلوا ف تتطور..
 علاقتهم ل علاقة غريبة..
 مش شرط حبيب جنب حبيبة..
 الفكرة ان الاتنين يبقوا..
 شايفين شيء حلو بيجمعهم..
 وقلوبهم تعمل زووم فجأة..
 فمساحة الرؤية تقوم تكبر
 فتبان تفاصيل أكثر وأكثر..
 تختلف الصورة اللي اترسمت
 وتبان حقيقتها الأصلية..
 وعشان قربوا فجأة زيادة..
 ترجع علاقتهم سطحية

للغنوة ملامح واضحة
 بتبان كل ما بتركز..
 فيه أغاني انت بتسمعها
 تلاقيك بعدها بتعجز
 مع إن الغنوة دقائق
 بتجر سنين وياها
 طب فاكر «عمرو» زمان
 ليه أغاني انا مش بنساها
 أنا لسه بحب «ونندم»
 وبحب «تملي معاك»
 الصوت واللحن ف ذاتهم
 مش بيكونوا أغنية
 فيه أغاني كثير ف حياتنا
 كانت فترات زمنية
 أول ما انت بتسمعها
 تلاقيك جوا فلاش باك!!

فور ريد

الدنيا غريبة بشكل غريب..
 ماشية بترتيب ملهوش ترتيب
 بتقرب ناس من ناس بالوقت
 وبتبعد ناس عن ناس وتغيب
 حاصل ضرب الأيام في الناس
 على قسمة ربك يبقى نصيب
 تعريف الخوف إنك تبقى
 خايف تتساب أصلاً ف تسب
 يا هتندم على شيء لو سبته
 يا هتفرح بعد ما هتسيبه
 ربك قسمها بحيث إنك..
 تتوقع شيء يحصل غيره
 وتسيبها ف تمشي بترتيبه
 كلها حسابات وبتتقيد
 ف دفاتر بكره وعلم الغيب

مور ريد

مش عايز أختار..
أختار لي يا رب
مين هكره بكره
ومين راح احب!
أنا عندي يقين لا متناهي
إن من الأحسن 100 مرة
إن الترتيب يبقى إلهي!

الآن فور ريد

ودّعت اصحابك كام مرة؟!
 مين جنبك مين سافر برة؟!
 مين لسه مشاركك أسرارك
 مين دايمأ عارف أخبارك
 مين مد إيديه ف جيب أيامك
 مين خد من عمرك وقت كثير!
 مين كان دخان في الشدة يطير
 مين فهم لسه ومين مبقاش
 مين شاري ومين بايعك ب بلاش
 مين قاضل ليه أي معزة
 مين وقت ما مت مجاش عزى
 مين عيط؟ مين فهم مبقاش؟

فور ريد

الطب اتقدم مع ذلك..
 جرحك موجود زي ما هو
 ده لأن مفيش دكتور في الكون
 يا عبيط هيعالجك من جوا
 عشان ف حاجات مش بقيالك
 عايش تتحسر على حالك..
 كل الأيام اللي ف بالك..
 أيام من ماضي مهوش راجع
 ف طبيعي يكون جرحك مهما
 بتعالج فيه بيفضل وارجع..
 إنسان صلاحيتك منتهية
 ندمان على ناس راحوا ف داهية
 كان أولى تكون دلوقتي سعيد
 مبسوط علشان ربنا نجاك
 وان حاسس إنك لسه وحيد
 اطمئن ربك لسه معاك

ففور ريد

لو شاكك أوي في المتبقي..

وخلص هتفلتر وتنقي..

وتصفي الناس اللي حايبهم

م الناس اللي خلاص هتسيهم

خد ناس مش منظر ع الفاضي

دقق من جوا تشوف بوضوح

ده لأن الشخص اللي بيجرح

أوقات بيعيش دور المجروح

ف افتح لك قوس م الوحدة يساع

اللي هيتنسي واللي هيتباع

واللي هتمضيله قرار بوداع

وياربت القوس بفضل مفتوح

اللي هيتنسي واللي هيتباع

من يومي وإيدي
دي عايشة تسيب
ناس بالترتيب
ف فهمت ان الدنيا مراحل
وان انا زي ما راحلين راحل
ما انا جي الدنيا غريب عنها
وهسيها غريب

الآن فور ريد

الحب إن زاد عن حده يذل
 ويخلي الطرف الثاني يمل
 الحب يببداً حلو أوي..
 ويببداً طعمه الحلو يقل
 فيه ناس من ضعفك قدامها
 بتحس انها فعلاً مالكاك..
 ويعرفوا قيمتك متأخر
 لما ميبقوش فارقين وياك
 شوف غلطك فين عشان متجيش
 بعدين تتلخبط وتعيده..
 ده لأن مفيش إنسان دايماً
 بيقدّر قيمة اللي في إيد
 كلنا كان فيه ناس في حياتنا
 ومن غير أسباب بدأوا يغيبوا
 لو غيرك مش عارف قيمتك
 بكره هيعرفها اما تسيبه

يا تكون فارق.. يا تفارق
رغم انك في الحالتين
عمرك ما تكون مرتاح
ودّع واتوجع فترة..
أحسن ما تعيش
بتخبط على باب
ملهوش مفتاح

الآن فور ريد

عمرك حسيت إنك مفروض..

على كل العالم من حواليك

مش مرغوب فيك..

ووجودك يشبه لغيابك

ووحيد مع أهلك وصحابك

وحبيبتك لو سألت «ما لك»

مبقيتش بتعرف عامل إيه

مبقتش بتفرق في فراقك

ولا عارف حتى مفارق ليه

ملعونة الوحدة صحيح لكن

أوقات بتریح وتهدي..

ده لأن مفيش موقف مهما

كان صعب عليك مش هيعدي

خد فترة راحة وخذ وقتك..

وإديلك فرصة تكون إنت

أنا ماشي وفعلاً مش عارف

أنا هرجع ليه وهرجع إمتي

مور ريد

عارف لما تحس برغبة
 مُلحة ف إنك تبكي..
 لكن مثلاً تبقى ف شارع
 أو حواليك الناس تتلم
 تفضل حابس دمعك جوه
 مستكتر حتى انك تشكي
 عمر ما حد يحس بهمك..
 غير لو شايل زيك هم..
 تقعد جنبه ويقعد جنبك
 يقلب همك همّه لضحك
 تضحك يضحك هو معاك
 يعلى الضحك وترسم بسمه
 زي القهوة بوش «Black»!

أنا عايز أهرب م الشارع
 م الناس والدوشة وأي زحام
 أنا عايز أهرب م التفاصيل
 م الليل والضلمه و م الأحلام
 من كل الحُزن المتداري
 من كل الوجع التكراري
 من كل الصمت الإجباري
 والخوف الخام..

أنا عايز انام يمكن أنسى
 أنا عايز أنسى ويمكن انام!

فؤور ريد

وجع قلبك وتنهيدك..
 وصوتك وانتي قلقانة..
 وشكلك وانتي زعلانة
 وشعرك لما بتلميه..
 وحُضني لما بيلمك
 تخافي ازاي وانا موجود
 ومين غيري يشيل همك؟!
 دانا بيتك وانا أهلك..
 يا ماشية فدمي على مهلك
 بلاش تبقي سبب حيرتي..
 وتكشيرتي وسرحاني وتفكيري
 مفيش غيرك هينفعني..
 ولا راح ينفعك غيري!
 بلاش يبقى الكلام بشروط
 كفاية سكوت وخوف م الحجي
 دا انا لو طال سكوتك اموت
 وبسمع صوتك ارجع حي!

فوق ريد

فاكرة أول مرة شُفتك؟!
 كنت مبهور م اللي شايفه
 قلبي بيعضّ ف شفايفه
 م التوتر أو لأنك..
 سبتي فيا حاجة منك
 كُنتي بتبصيلي بصة
 فيها شوق وهدوء وصمت
 كنت خايف أو ملخبط
 أو هعيط ف ابتسمت!

الأنا فور ريد

ولأني بقيت مصدوم في الناس
 هكتهم ع الهامش برصاص
 مع أول غلطة لأي فلان
 همسحه من بكره بأستيكة
 مش قلة ثقة في الناس لكن
 من كتر ما قلبي من الناس شاف
 أنا لسه حقيقي بجد بخاف
 أتقرب من حد واجرب
 واكتب ف حياتي الناس بالجاف

الإلا فور ريد

أنا عادي كويس دلوقتي
أو هبقى كويس لما هنام
محتاج أرتاح فاوصف لي علاج
محتاج محتاجش أكون محتاج
أنا أسف جداً ع الإزعاج..
أنا كنت زمان واضح لكن
اغمقت روعي مع الأيام

الإلا فور ريد

جرعة الحب الزيادة
مش ضروري تجيب سعادة
مش طبيعي ان انت تعشق
حد أزيد م اللزوم
إدي على حسب احتياجك
حب لكن وبمزاجك
واقسموا الحب اللي بينكم
نص نص عشان يدوم

الآن فور ريد

أنا فيا كسور مبيتجمعش..
مع ذلك عيني مبتدمعش
ووصلت لدرجة تخليني
كل اللي بيتزل من عيني
ناس كانت حاجة كبيرة زمان
لكن دلوقتي خلاص مبقتش
وعشان كده من فترة طويلة
أنا عايش بضحك اهو ومبكيتهش!

الآن فور ريد

تعرفي ترجعي زي ما كُنْتِي؟!
 تعرفي ترجعي بيتي وبنتي
 وحبيبتي اللي ف يوم ما بتزعل
 بزعل م الدنيا وبتغير!
 أو أمي وأختي اللي انا مهما
 بكبر شايفين إني صُغير
 محتاجك جداً وبقرب..
 ومشاعرك مني بتتهرب
 مش عارف فعلاً إيه المطلوب؟!
 دانا بتزف من جوا وبره
 وقايلك أكثر من مرة
 إنك لو غبتي بعيش مرعوب!
 وبحس ان انا مبقيتش بحس
 أنا بطمن بوجودك بس..
 و ف بُعدك مبقيتش اطمئن
 لو جنبي فيه ناس غيرك دائماً
 ف انا مش محتاج غيرك إنتي
 تعرفي ترجعي زي ما كُنْتِي؟!

أنا كنت بفضفض لو شايل..

دلوقتي بقيت بالفعل كتوم

كتر التفكير خسرتني كتير

والجرح كبير بس بداري..

أنا عايش محبوس من فترة

في سيناريو ومشهد تكراري

«إزيك؟! عامل إيه؟ قولي..»

بتصلي؟» «بقيت أيوه بصلي»

«نفسياً؟!» «عادي أنا كله تمام»

أنا نفسي بجد ألاقى كلام..

ميكونش اتقال وجديد لسه

أنا نفسي بجد ف وقت ما انام

ميكونش عشان عايز أنسى

فورا ريد

أنا كُنت بخاف وما زلت
 وطلعت كثير ونزلت
 وفارقت كثير وفضلت
 ببكي على اللي انا ودعته
 مأساتي الأولى فإني
 ملقيتش اللي يطمّني
 والوقت الضايع مني
 ضيّعني عشان ضيّعته

الألف فور ريد

دكتور..

أو ممكن صاحب

مرتاح له شوية حكيت

وبكيت فضفضت زيادة

فضفضت أكثر ف بكيت

«عندي مشاكل في البيت

وبنام أكثر ما بقوم..

وبقوم وانا عايز انام

يمكن بهرب بالنوم

علشان مش لاقى كلام

يمكن وطبيعي ووارد..

أصبحت سخيف أو بارد

مش بفهم في الإتيكيت

بطلت شوية أجامل

وبقيت بالمثل بعامل

مبقيتش ف عينهم كامل

علشان مبقيتش عبيط!!»

فور ريد

أنا مُفتقد..

إحساسي إني اضحك أوي

من غير عياط

إحساسي إني احضن أوي

من غير شروط..

إحساسي إني افرح أوي بالارتباط..

إحساسي إني أحبها واتحب موت

بقالي كثير مجرتبش أحب بجد

أو أوحش حد..

بقالي كثير مبتعلقش..

عشان مقلقش..

عشان الحب مش دائماً

بيقدر يغلب الأيام..

بنام علشان أعدّي اليوم..

ومش بالسهل بعرف انام

وطول الوقت بتوتر..

واخاف أكبر..

واصلح غلطتي بغلطة

بتبقى ساعات كثير أكبر

بحل مشاكلي بمشاكل

وهرب م الضغوط بضغوط..

وطول الوقت مش زعلان

وطول الوقت مش مبسوط

فؤور ريد

مننا لله

الآن فور ريد

ضاققت

ضاققت فلما استحكمت..

ضاققت أوي..

ضاققت بشكل مخلي

روحي مكشّرة..

بنزل لتحت.. برجع ورا

واكسب خسارة وبعثرة

مقبوض وميت م القلق

تفاصيل حياتي مكشّرة

ضاققت فلما استحكمت..

عصرت عينيا دموع وخوف

مطحون ما بين حلم وظروف

عايش بموت.. أعمى وبشوف

والفرحة لحظة قصيرة

ضاققت مليش غيرك سند..

ومكنش ليك كفواً أحد

رحمن بكل اللي اشتكى

جيت بالبكا..

وكلامي كله نهنية
رجع لي كل اللي انتهى
الدنيا قفلت نفسها
مفتاحها فين طب يا ترى!؟

الأنا فور ريد

صلي على النبي أوقات الضيق

و الله مسيرها هتتعديل

مين قال ربنا خد منك شيء

ربنا يا بيدَي يا بيبدل

الإله فور ريد

سبحان الله..

أقصد يعني..

كان كل ما قلبي بيوجعني

بلجأ للسبحة اللي ف إيدي

وبقول الله الله الله..

أوقات انا كنت بروح في النوم

أوقات انا كنت بروح وياها..

السبحة جناح

سبح ترتاح..

سبحان الله أصلاً مفتاح

أو كلمة سر لباب مخلوق

في السما علشان لو جيت مخنوق

تطلع على فوق..

تنسى المعاناة..

سبحان الله.. سبحانه بجد

نحتاجله نبطل نحتاج حد

والحمد لله

أقصد برضه..

كلنا عايشين هنا على أرضه

بإرادته ومن كرمه وخيره..

كلنا ملناش فعلا غيره..

رزقنا كلنا مبعوت من فوق..

ارتاحوا يا خلق ده كله نصيب

مكتوب مين فينا هيبقى مين

مكتوب مين باقى ومين هيسيب

الرضا بيخلي الحُزن يهون..

ربنا لو عايز شيء هيكون

الفكرة انك ترضى وتهدى

كل المطلوب م العبد الصبر

اتفرج على حكمة ربك..

ومسيرها هتظهر بالأيام

فيه حاجات نفسنا فعلاً فيها..

لو حصلت يمكن تطلع شر..

وحاجات على عكسها كارهينها

بتجيب وياها الخير قدام!

رسالة من تحت

برايا شروخ.. جوايا شروخ

فيلم الأيام عمال بيبوخ

الوحدة تابوت.. وانا لسه بموت

بعمل مبسوط.. وانا بتالم

والحلم كابوس.. وانا فيه محبوس

والدنيا دروس وانا بتعلم

إديني جناح.. علمني ارتاح

علمني أفضفض وابقى صريح

الصبر مرار.. والناس صبار

كل اما احضنهم ببقى جريح

وبلملم قلبي وبرجعلك..

وانا كلي كسور ووجع وفراق

يا رب العالم.. يا عالم

كُل الأشياء

«اشتقت إليك فعلمي

أفضل بشتاق»

اشتقت إليك ف كلمني

أنا ساكت وانت اللي معايا
اشتقت إليك ف علمني
من بكره مبصش ف مرآية
ما حاولت اتصبر ب بكايا
وبكيت مرتاحتش ولا مرة
أنا كل ما بكتم جوايا
بكبر وبعجز من بره
رُخت لدكتور نفسي عديته
فبقينا احنا الاتنين مرضى
لا انا لاقى طريقة عشان أهدي
ولا لاقى الصبر عشان أرضى
مش قادر أشوف ولا
باب مفتوح
جوايا جروح.. برايا جروح
مبقتش ببوح غير وانا مدبوح
وبفتح عيني يشوفني الخوف
وبغمض عيني بشوف بوضوح!
بدخل أبواب وبسيب واتساب
ومفيش ولا باب للحزن اتسد
الوحدة قرار.. وانا خفت اختار
قضيتها هزار.. واهي قلبت جد

يا رب انا دائماً مُشكّلتِي

في الخوف م العجِي

يا رب..

«إن كنت أعزّ عليك ف خذ بيدي»!!

الآن فور ريد

فاكر لما زعلت عشان..
حاجة عايزها وضاعت منك
كنت بتبكي يومها اكمنك
قلبك كان متعلق بيها
ونفسك فيها..

عدى الوقت عليك ونسيتها

زي حاجات عزتها قبلها

إوعاك تحزن..

عمر ما ربنا ياخذ حاجة

إلا عشان يدك الأحسن!

مننا لله

حُضِن البُكا لله يساع ف ابكوا
كل اللي بكيوا ل ربنا ضحكوا

كل اللي بيطلع فوق

من حيث الوزن يخف

كل اللي بيفضل فوق

من حيث الحزن يخف

السما تنورة كبيرة

والناس دراويش بتلف

"الله الله.. دراويش دراويش

أنا سايب إيدهم متسيبنيش

أنا كل ما احبك كل ما اعيش

والناس للدود والدين لله

والروح بتروح جوا الملكوت

من غير ما ياخدها ملاك الموت

ولحد الحد المسموح بيه

تطلع وتلف بإذن الله

أنا مش محتاج منك غيرك

أنا مش محتاج من غيرك شيء

رسييني ان كان مكتوبلي ارسى

أنا لسه بدور على فرصة..

أنا لسه في ألف طريق وطريق

الآن فور ريد

يا رب كل المطحونين

شوق أو شقا..

فيه حاجات كثير متعلقة

اكفييني شر النفس لما تعوز

واكفييني شر الضحك لو كان تريقة

اكفييني شر الحب لو هيقبل

واكفييني شر القرب لو هيدل

واكفييني شر حبيبي لو هتمل

واكفيها شري ف وقت ما أبقى كتوم

اكفييني شر الفضفضة ومعلش

أو عشمي في الناس اللي غاوية تغش

واكفييني شر الكركبة في الوش

واكفييني شر الإكتئاب والنوم

يا رب خد بإيديا نفسي أقوم

اكفييني شر الإندماج في الحزن..

والإحتياج للحضن

واكفييني شر الوقت لما يضيع

والخلق لما تبيع..

والدمع في التوديع

والطبطبة بنفاق

اكفيني شر الإشتياق..

قبل أما افارق حد أو بعد الفراق!

يا رب كل الزعلانين من غير سبب..

والمؤمنين إن الدعا هيحل أزمة حزنهم

يا رب كل العثمانين فيك بالقوي

يا رب كل المذنبين وانا منهم

علمني احبك حب متحبش لحد

علمني لما أصلي أتكلم بجد..

أنا قصدي يعني أحس باللي اتقال

واوهب لي صبر كثير وراحة بال

دي الدنيا لو شدت إيديا هتوه

وانت اللي قربك فيه صلاح الحال

«اطلع بروحك للسما ومدد
ربك كريم جي بالمدد حالاً
فيه حاجات عشان للأحلى تتجدد
لازم كده تهدي إجمالاً»

الإله فور ريد

خاتمة

عن صاحب دائماً حبيته..
وقاسمته ف أوضته اللي ف بيته
ليلة امتحانات تالته تجارة
وف آخر سنة ف الكلية
عن حب جديد غير فيا..
عن سرايماني بـ«أمنية»
و«بزهرة» وعن حبي لـ«عادل»
و«أوتاك» ف وقت ما بيجادل
أو «سعد» ف وقت ما يتأخر
عن صاحب عمره ما نيمني
علشان كان دائماً بيشخر
وعبيدة ونرفزته الزايدة
أو «هاني» وروقانه العادي
عن لمة مسرح جمعتي
ف الغالب بـ«أسامة الهادي»
عن «هادر» و«حباظة» و«سمعه»
واللمة بتاع يوم الجمعة..

وال pes والقاعدة ف «سانسيروا»

عن حد تماي بفضفضله..

هو «النشار» ومفيش غيره

عن دكتور «أحمد» وعيادته..

اللى انا مش عارف أروحها إزاي

وأخوه أبو قلب أبيض سكر..

متقلب فيا وفي الشاي

عن «مايكل» لما يقوم يمشي

أو عن «إسلام» لما يجيلي

عن كل صحابي اللى ف جيلي

المذكور منهم والمنسي..

عن عمد سواء أو عن سهوة

عن كل الناس جوا القهوة

عن بنت مجاتش ولا هتيجي

شفتها حبيتها وتدرجي

حسيت انها تنفع أمي

بعد امي اللى انا ماسك فيها

زي الغرقان في القشاية

حسيت انها تنفع أختي

زي أختي اللى ف يوم ما بتزعل

بتطفي النور من جوايا

ففور ريد

أو وقت اما بتفرح بفرح
وبحس خلاص انى اتظمنت
أو بنتي ف أيامي الجاية

مين داري

أنا نفسي أخلف

بنت..

منكرش انا نفسي أخلف واد

يمكن «مصطفى»

يمكن «يحيى»

ممکن هيكون «أدم» مثلاً

ممکن منجيبش ولاد أصلاً

أو يمكن أتجوز غيرها

لكن أنا مهما حصل فعلاً

هفضل بشتاقلها وفاكرها!

ففور ريد

الفهرس

٥ مقدمة بخط الشاعر أمير طعيمة
٧ إهداء
١١ مقدمة
١٥ عيش وملح
٥١ دمع مؤنث سالم
٧٩ المصري اليوم
٩٩ الحزن البعيد الهادي
١٤٩ أنا وهو وهي
١٨٣ مننا لله
١٩٩ خاتمة

